



सानसेयारि 'बड'सा' खरीलाइयाव समाज्यादि जिज्जो लोब्बा थानाय रायथाय, खन्थाय, सल', सल'बाथा आरु दावबायादि थावनि, पार्क बाइदिनि स्यायाव लिहनाय लिहबिबां दैथाय डर/ सानसेयारि 'बड'सा' खरीलाइया खेबखानावै फोखावगेव।

बड'सायाव लिहहरनायनि हुबा खालाम, 'बड'सा' खरी नोथि, जो बयबो आंगो खालाम।

सानसेयारि बड'सा मावखुलि  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Friday ★ 23 February, 2024 Kokrajhar, BTC, Assam ★ Vol.-33, Issue No.325 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



On: 22/01/2024

## मदि सरकारनि गेरेन्टि



बारिन मिथिनो थाखाय र्केन खालाम

हमारा संकल्प विकसित भारत

गाहाइ मन्थि फसल बीमा बिथांखिआ आबादारिफोरनि थाखाय र्खाथि खसाबआव महर मोन्दों

16.65 कौटि आबादारिफोरनो 1 लाख 54 रोजा कौटि रं बेसेननि दाबि खालामनाय रंखौ होदों



बैसागु फोर्बोनि सिगां आसामआव लकसभा बिसायख 'थि' खुंनो आसाम सरकारआ थांखि दैखांदों

गुवाहाटी, 22 फेब्रुवारी: हादतनि लकसभा बिसायख 'थि'या खुंनो गेजेराव से-खावसे दानफोरल' सम दंसे। लकसभा बिसायख 'थि'नि थाखाय गुबुन गुबुन राजखान्थि दोलोफोरा बिजाथि फोसावदिनायाव मुखुब जागासिनो थानायखौ नुनो मोन्दों। बे खेबआव आसाम सरकारआ आसामआव लकसभा (□ 5 बिलाइआव)

## मिसन बसुन्धरा 2.0 नि सिडाव हानि पाट्टा गथायदों राइज्योनि गामिफोराव जौगाखांनाय आरो जौगाथायनि गोदान फैसालि जागायजेबाय: ड० हिमन्त बिश्व शर्मा

'सरसनखा सुबुंफोरनि गेजेराव फोथायनायनि मोनसे गोदान थासारि सोमजिबाय'

दिसपुर, 22 जानुवारी: हानि मोन्थाय गथायनायजों थागिबि हारिखौ जौगाखां होनायनि बिथिडाव राइज्यो सरकारआ आजावना लानाय मख 'जाथाव



थांखिनि बाहागो महरै आसामनि गिबि मन्थि ड० हिमन्त बिश्व शर्माआ दिने मिसन बसुन्धरा 2.0 नि सिडाव धेमाजि जिल्लानि जनाइ बियाबयाव खुंनय डिजिटेल हानि पाट्टा गथायनाय हाबाफारियाव बाहागो लायो। हानि पाट्टा गथायनाय हाबाफारिनि सिडाव धेमाजि जिल्ला गासै गां 38 रोजा पाट्टाफोरखौ गथायनो थांखि (□ 5 बिलाइआव)

आसाम सुबुं सिबिथाइ आयगनि प्रेलिमिनारि आन्जादिनि अक्टआ सोलायबाय

17 मार्चनि सोलायै 18 मार्चआव खुंजागोन

गुवाहाटी, 22 फेब्रुवारी: आसामनि मोनसे गोजौ थाखोनि सांखि थिसन्थाय आन्जाद एबा आसाम पब्लिक सार्थिस कमिसननि प्रेलिमिनारि एबा गिबि आन्जादखौ सिगाडाव फैगौ 17 मार्चखालि खुंनो थाखाय थांखि लानाय जादोंमोन। नाथाय माखासे जाहोननि थाखाय बे आन्जादिनि अक्टखौ सोलायनाय जाबाय। आसाम पब्लिक सार्थिस कमिसनआ दिने मोनसे फोसावथाय गेजेरजों मिबथि होदोंदि, 17 मार्चखालि खुंनो गोनां प्रेलिमिनारि आन्जादखौ 18 मार्चआव खुंनय जासिगोन। मानोना 17 मार्चखालि एसएलइटि (स्लेट) आन्जादआ खुंजागोन। बेनिखायनो आन्जाद खुंनो अक्टखौ फावसयनानै 18 मार्चखालि खुंनो थाखाय आसाम पब्लिक सार्थिस कमिसनआ थांखिखौ लाफिननाय जादों। (□ 5 बिलाइआव)

लकसभा बिसायख 'थि'खौ लानानै दरं-उदालगुरि बियाबाव राजखान्थि दोलोफोरा साखा-फारा खालामदों

कलाइगाव, 22 फेब्रुवारी: उदालगुरि आरो दरं जिल्लाखौ सरजाबनानै गोदाने दाफुनाय दरं-उदालगुरि लकसभा बियाबाव बबे राजखान्थि दोलोया देरहागोन बेयो फैगौ लकसभा बिसायख 'थि'याव थि जागोन। मख 'नो गोनांदि, 8 नं मंगलदै लकसभा बियाबाव जुथाय दोलो बिजेपिनि बिजाथिया लान्थिये खेब 3 देरहासारदोंमोन। देरहासारनो हानाय जुथाय दोलोनि बिजाथिफोरा जादों बारा' एमपि नारायन बरकाकति, रमेन डेका आरो आधिखालनि एमपि दिलिप शर्किया। मख 'नो गोनांदि, फैगौ एप्रिल दानाव खुंनो गोनां लकसभा बिसायख 'थि'नि थाखाय बिपिएफ, कंग्रेस आरो त्रनमुल कंग्रेसआ दासान्दि साखा-फारा खालामगानि। दासान्दि बे बियाबनि थाखाय मोनसेबो राजखान्थि दोलोया बिजाथिनि फारिलाइ फोसावना होयाखैब्लाबो बिसायख 'थि'नि दावहानि थाखाय दोलोयारि मावथि मेलनि गेजेरजों साखा-फारा जादों। मख 'नो गोनांदि, बिजेपि आरो इडिपिएल जुथाय हान्जाया बिसायख 'थि'नि दावहायाव बरेखा दोलोफोरखौ चेलेन्ज खालामनो थाखाय साखा-फारा जादों। बिपिएफ दोलोआबो हारसिडे बिसायख 'थि'नि थाखाय थाक-थियारि खालामदों आरो बे बायिदोनो कंग्रेस दोलोआबो साखा-फारा खालामनायखौ नुनो मोननाय जादों। (□ 5 बिलाइआव)

कक्राझारनि प्रिन फिल्डआव खुंजागो गोनां ब्रह्म धोरोमनि महा यज्ञ हाबाफारिखौ फावसयनानै 29 फेब्रुवारीआव लाफिनबाय

कक्राझार, 22 फेब्रुवारी: बिटिआरनि राजथावनि गोजोननि नोगोर कक्राझारनि प्रिन फिल्डआव खुंजागो गोनां ब्रह्म धोरोमनि महा यज्ञ हाबाफारिखौ फावसयबाय। ब्रह्म धर्म क-अडिनेसन कमिर्दिनि बान्जायनायाव फैगौ 24 फेब्रुवारीखालि खुंनो लानाय महा यज्ञनि अक्टखौ सोलायनानै फैगौ 29 फेब्रुवारीआव खुंफुनो थाखाय थि खालामनाय जाबाय। खुंफुं आफादिनि मासिगिरि ड० अजित बर'आ दिने हरखाबै मोनसे खौरंगिरि मेल खुंनयनि गेजेरजों बे बाथ्राखौ मिबथि होदों। खुंफुं आफादिनि मासिगिरि ड० अजित बर'आ फोरमायनाय बायदिब्ला, मुलुग गोजोननि थाखाय महा यज्ञ हाबाफारिखौ 24 फेब्रुवारीखालि खुंनो थाखाय आबुडे साखा-फारासैमोन आरो बे महा यज्ञ हाबाफारियाव गाहाइ आलासि महरै आसामनि गिबि मन्थि ड० हिमन्त बिश्व शर्माखौ हांखायनाय जादोंमोन। नाथाय गिबि मन्थि ड० हिमन्त बिश्व शर्माआ हाबाफारियाव बाहागो लाफेनो सिगाडाव खोथा होदोंमोनब्लाबो नाथाय गावनि (□ 5 बिलाइआव)

## गागि नोगोरारिफोरनि राइज्योआरि थाखोनि जथुम्माव राइज्यो बेंगिरिआ बाहागो लादों समाज जौगानायनि थाखाय गागि नोगोरारिफोरनि बिफावआ गोनांथार: राइज्यो बेंगिरि

गुवाहाटी, 22 फेब्रुवारी: आसाम सरकारनि गागि नोगोरारि अन्साइ गौथुमनि बान्जायनायाव सेनियर स्टीजेन एस 'सिएसन अफ आसामजों लोगो नानानै दिने गुवाहाटीनि श्रीमन्त शंकरदेव इन्टरनेसनल अडिट रियामआव गागि नोगोरारिफोरनि मोनसे राइज्योनां थाखोनि जथुम्मा खुंनय जादों। सानसेनि हाबाफारि खुंनय बे जथुम्मायाव (□ 5 बिलाइआव)



## सम्पतिनि मासुल होयाब्ला दै लौनायखौ बन्द खालामगोन गुवाहाटी नोगोर आफादआ

गुवाहाटी, 22 फेब्रुवारी: गुवाहाटी नोगोर आफादिनि मेयर मुगेन शरनियानि हेंथायै खुद्रिखांदों आम आदिम पार्टीआ। दिने दोलोनि राइज्योयारि मावखुलिथाव खुंनय मोनसे खौरंगिरि मेलाव दोलोनि गागि बुंथिगिरि अनुरुपा डेका रजाआ सम्पतिनि मासुल बोखांनयनि मुडव सरकार आजावनाय गाजि लामाखौ गोखों रावजों सोंखारियो। से खावसे लाख कौटि रं दाहारनि बजाय रुजुनाय सरकार राइज्यो-राजाफोरनिफ्राय खाजोना बोखांनयनि मुडव हिल्लारनि लामा आजावदों। नोगोरसनि राइज्यो-राजाफोरा थानानै थानायनि मोन्थायनि

सायाव गाग्लोबदों आधिखालनि खुंथाय गोहोयाव थानाय गुवाहाटी नोगोर आफादआ। सम्पतिनि मासुल बोखांनयनि थांखिजों दै बर्डजों जिएमसिआ गोरोबथा खालामनानै लोंग्रा दै फोनांजाबनायखौ दानायनि गेजेरजों राइज्यो-राजाफोरनि संबिजिरआरि मोन्थायखौ सिख 'नो नाजादों। बिसायख 'थि'नि सिगां गंग्रोमबो नख 'रनो गोगो लोंग्रा दै जगायनो खोथा होनाय सरकार दानिया 12 रोजा राडै बाहायनानै लोंग्रा दै फोनांजाबनायनि उनावबो खाजोना होयाब्ला दै लौनायखौ बन्द खालामनानै होनाय सुबुंथि गैयै थांखि लादों। (□ 5 बिलाइआव)

लकसभा बिसायख 'थि'खौ लानानै आपआ शनितपुर

बियाबनि थाखाय बिसायख 'थि' परस्तर बेखेवदों गुवाहाटी, 22 फेब्रुवारी: आसामनि मोनथाम लकसभा बियाबाव बिसायख 'थि' गेलेनो थाखाय साखा-फारा खालामनायखौ जागायजेन्दों आम आदिम पार्टीआ। दिने दोलोनि सा-सान्जा ओस्सोलनि इन-चारज राजेन शर्माआ (□ 5 बिलाइआव)

## असमीया रावखौ गोरोन्थियै सेबखांना लाजिफोनांदों माहारियारि राजा लामाया

आसाम साहित्य सभाजों लोगोसे गुबुन गुबुन दोलो आफादआ फिनजाथाय होदों

बासुगाव, 22 फेब्रुवारी: गावआरि खोन्दोनि फोसावदिनायाव बे खेबाव जायाखै, गुबैयै भारत सरकारनि मोनसे गोनांथार माहारियारि आफादिनि दैदेन्नायाव आसामआवनो असमीया रावखौ गोरोन्थियै सेबखांनानै लाजिफोनांनाय जाथाय (□ 5 बिलाइआव)



आसामआव थांनाय 2 बोसोराव 7,000 कौटि रंनि जौ फान्दों

गुवाहाटी, 22 फेब्रुवारी: आसामआव थांनाय 2 बोसोर समनि गेजेराव गासै 7,000 कौटि रंनि जौ फान्दोनि रिपट मोन्दो हादों। आसामनि आबगारि बिफाननि मन्थि परिमल सुक्ल 'बैद्यआ सोलिबाय थानाय आसाम आइन आफादिनि रं बाउजा जथुमआव बे आयदानि बागै मिबथिहोदों। मन्थि सुक्ल 'बैद्यआ थांनाय 5 बोसोराव आसामआव जौ फान्दोनिफ्राय खाजोना बोखांनयनि मोनसे फारिलाइ दिन्थिदों। मन्थिआ फोरमायनाय बायदिब्ला, आसामआव थांनाय 2 बोसोर समनि गेजेराव जौ फान्दोनि खाजोनाया गासै 7,000 कौटि रं सिम जाहेंदों। सोलिबाय थानाय आसाम आइन आफादिनि रं बाउजा (□ 5 बिलाइआव)

## अरुणाचल प्रदेशनि माहारियारि खौसेथि दावबायनाय हान्जानि फरायसाफोरजों राइज्यो बेंगिरिआ सावरायज्जलायदों

गुवाहाटी, 22 फेब्रुवारी: आसामनि राइज्यो बेंगिरि गुलाब चान्द काटारियाआ दिने गुवाहाटीनि राजभवनआव न'नुसे राइज्यो अरुणाचल प्रदेशनिफ्राय फेनाय नेसनेल इन्टिग्रेसन टुर एबा माहारियारि खौसेथि दावबायनाय हान्जानि सा 22 फरायसाफोरखौ लोगो हमनानै सावरायज्जलायदों। सावरायज्जलायनाय समाव राइज्यो बेंगिरि काटारियाआ माहारियारि खौसेथिनि थाखाय रादाव बिलाइनो दावबायनायखौ बाखायनानै बेबायदि (□ 5 बिलाइआव)



गान्धीबारिआव बाला हाजों माथावरि लुनायनि गोखों अजद दैखांदों राइज्यो-राजाफोरा

तामुलपुर, 22 फेब्रुवारी: तामुलपुर जिल्लानि सिडाव थानाय गान्धीबारिआव गोदानै माथावरि लुनायनि खामानियाव बेले-बेजे सोमजिनयनि गोखों अजद दैखांदों ओस्सोलनि राइज्यो-राजाफोरा खोला गान्धीबारिनिफ्राय साहा गान्धीबारिनि माहावरि गुदि फरायसालिसिम गोदानै 1700 मिटर गोलाव माथावरि लुनाय खामानियाव बेले-बेजे सोमजिनयनि अजद दैखांदों। मख 'नो गोनांदि, तामुलपुर जिल्लानि गान्धीबारि ओन्सोलनि राइज्यो-राजाफोरा गोलाव बोसोरनिफ्रायनो दै बानाजों भुगिबोनांदों। बे बिथिडाव ओन्सोलनि राइज्यो-राजाफोरा सरकारनिमि गोबां खेब खालायहरनायनि उनाव बे खेबाव दै बानानि जेनाखौ सुन्नोनो थाखाय आसाम सरकारनि मोनसे मिर्जिथिजाथाव (□ 5 बिलाइआव)

## सुजुगिरिनि खोलोम

### मिथिंगायाव गुबुंलेनि गोहोम

मिथिंगा बिखायाव गुबुंले जानायखौ जों बयबो मिबथिंगौ। बेनि गुबुं जे जहोनेखौ आबहावायाव सोलायनाय फैनारनि थाखायनो जॉनि बुहुम बिखायाव सानफ्रोमबो बाइदिसिना मिथिंगायारि जाथायफोर गिथावना महर लानायखौ नुनो मोन्नाय जायो। आबहावा सोलायनायनि बिजाउना सुबुं हारिनि गेजेरावल' खैदां-खैफोद लाबोनानै थाबथायाखै, जॉजों लोगोसे बुहुम बिखायाव थानाय दावसिन-दावला आरो दैआव जिउ ख्रांणा ना फोरनि सायावबो मैखोम गोहोम गोग्लैदों होन्नानै नार्यबिजिसनायफोरव नुनो मोन्नाय जायो। आबहावा सोलायनाय आरो सुबुं हारिनि अन्सायनो रोडै आखुनि थाखाय जॉनि सोरगिदिं थानाय हाग्राबारि, गामिनि बिफां-लाइफांफोरव जिउ ख्रांणा जायगानि दावफोर खैफोदजों सग्लोब जानो हमनाय संदानायाव रोखा जानायखौ मिबथि मोन्नाय जायो। जुथाय हादतनि मोनसे फोसावथायाव मख'नाय बादिदै- मुलुगनि दाब-दाब हादत आरो ओन्सोलफोरव गिदिंबायग्रा दाव फोरनि मोनबा दावबायारि दाव हान्जानि मोनसे हान्जाया जोबसांलानायनि गिनांगौया बांसिनदों होन्नानै बुंनाय जादों। खैफोरथिनि फोसावथायाव बेखौबो बुंदों-दाव फोरजों लोगोसे दावबायग्रा नाफोरनि फार्सेबो जोबसांलानायनि गिनांगौया बांसिनबोदों। फारिलाइआव थिसन जानाय ना नि 97 जौखोन्दोयाबो जोबसांलानायनि लामायाव आगान होबाय। संदान रोंग'थिफोरनि बादिदै आबहावा सोलायनाय आरो दैब्र' ओन्सोलफोर दै थायै जौखों बोनायनि थाखायनो जॉनि हादतआव गुबुन हादतनिफ्राय दावबायबोग्रा दावफोरनि अन्जिमाया नैजिवा जौखोन्दो बाइड जालानायखौ मख'दों। बेफोर जहोनेनि थाखायनो माखासे फोलेरनि दावफोर जॉनि हादतसिम दावबायबोनायखौनो नागाराबाय होन्नानै संदानगिरिफोर बुडे।

मिथिंगा बिखायाव सोलायनाय फैनारनि थाखाय ना माबाफोर जहोनेव जॉनि जायगायाव बोथोर लायै बोथोर गोबडैनो नुनो मोन्नाय दावफोरनि बाइड जालानायबो आबहावा सोलायनायनि बिजाउन नामा होन्नानै सानजाथाव। गामिनि नख'फ्रोमावबो न' मुदा, रेबे, न' सेरनि फिसा-फिसा बिफांफोरव बाहा बोनानै थाग्रा सखा दावखौ जायगा जायगा नुनो मोनबालिया। न' लांगोनायाव, सिथ्लाआव ओंखाम खालाय गारोब्ला, माइ लामोब्ला आरो मार होग्रा खलान आरो माइहुंफोरव ज्राव ज्राव बिरसलायनानै आदार जानाय नुनो मोनलिया। सखानि सिद सिद, थेब थेब होन्नानै गाबनाय खोनानो मोनबालिया। हाग्रानि दावब्लाबो मानसिनि न'आव आश्रय लानानै थाग्रा सखा दावआ मानसिनि उतखारनि थाखायनो गोजान जालानो हमदों। सखा दावल' नड जॉनि ओन्सोलालु नुनो मोन्नाय बाइदिसिना जाथोनि दावफोरबो सुबुंनि अन्सायनो रोडै आखुनि थाखाय गोमालांबाय नडबा गोजानाव आनज्रायलानो गोनं जाबाय। दावनि अनगायैबो सिगांफोरव फिसा फिसा जाम्फे-दंग', हाखर, बिलो, दैसाफोरव मोनफुंनो हानाय बाइदिसिना नाफोरबो आबहावा सोलायनायनि गोहोमजों गोमालांनारनि लामा लानायखौ नुनो मोन्दों। बेफोर खहानिफ्राय रैखा मोन्नो थाखाय सुबुं हारिया मिथिंगा बिखानि सायाव अन्सायनायनि गोनांथिखौ होनो नाजानांगोन।

# दिखवार बिजाबनि साया लानानै

प्रतिमा नन्दि नार्जारी

## से खोन्दो

मानसिफोर जालायाव गोलैनाय सुबुंखौ बायदि रोखोम बुंनानै दुखु होनो बोलो मोनो। गोनो गोथोखौ लानानै सासे दाय गैथै मानसिखौ दाय फोनांनो नाजायो। खोनानायल' बाश्राजोंनो एखनब्ला समाजाव जाथावथारै गिदिर जाथायफोरा जालाडे। थेवब्लाबो सुबुं समाजआव थिखिब्लासो सिखियो होन्नाय, थामहिनबा सोलोडे होन्नाय बाश्राया दाबो बबेबा बारि खनायावसो गोलैसोना दड। गले गले गोनो गोथोजों सोरखौबा गोरोन्यि सान्नाय बाश्राफोरनो माब्लाबा गात्रि जाथायबो खालामो। राजखान्थियानो होन, समाजखान्थियानो होन, धोरमखान्थियानो होन जेयवबो सुबुंनि सानथौआ मानोबा गुबुंले जालांबाय। बयबो गावखौल' देरजानो लुगैनाय सुबुनखौ सोंखारिना गावखौ साबग' दिन्थिनाय बेबायदिया दानि सुबुंनि आखुसै होनब्लाबो गोरोन्यि जानाय नंला। आधिखालनि मुगायाव मोनफ्रोमबो आगानावो जिगासिनांगौआव सफैबाय। एसे एनै गोरोन्यिफोरखौ सुदायलायनाय गैलिया, निमाहा होलायनाय गैलिया एसे एनै नंलाय खमलायजों जोबनानै थालिया। सुबुंफोर गानि रगा जॉनायखौ दबथायनो गोब्रावसै। सुबुड गाव जेखौ सानो बेखौनो खालामनो लुगैगा जालांबाय। गुबुननि दुखुखौ नुब्लाबो जेबो मोने जालांबाय। नाथाय मानसिखौ अबलावरिया साबसिन जिब हिसाबै सोरजिदोंमोन। सान्नो हानाय मेलेम हर्दोंमोन। आखायजों मावनो हानाय गुन हर्दोंमोन गाननाय-जोमनाय फारसेनिफ्रायनो गसिबो गावनि जानायखौ गावनो संना जानो हानाय हर्दोंमोन।

नाथाय मानोबा सुबुड गोजोन्नो रेंला। गुबुनखौ दाय होनो गोलै मोनो। बिदिनो सासे दुखुथिया आइजो लाइसि बसुमतारिनि खाफालावबो बेनो फलिदोंमोन। मालायजों रायखोमा जानाय सोंखारि जानायनि गोसोम जोमै दाखाया सग्लोब फेदोंमोन। उंसिब्लाबो बियो उंसिख'नो हायै बादि जादों गावनि खाफालजों दाउहा नांनानै आगान हर्नो गोनं जादों बियो। गावनि फिसाइ जावलिनाय जानायखौ लानानै बियो बेसेबां दुखु-दाहा सहाय नांदों बेखौ रावबो मोन्दां हानाय नड। गथ'फोरबो हिन्जावसा सानै हौवासा सानै साब्रै गोजों फिसाफोर लाइसिनिया। बै गथ'फोरखौ मात्रै मानसि खालामबावनो लाइसि बसुमतारिआ। सानसेबो मोजाडै जानो-लॉनो सुख गैलिया। फिसाइ जावलिनाय जानायबो गोबावथारसै। डक्टर अजानाव दिन्थिनानै फाहामनो नाजादों बियो नाथाय दसिमबो आबुडे हामहोने हायाखै। बिदिनो बायदि दुखु-फाख'आव गोग्लैनाय न' लुना गामियाव थाहैनायसै। लाइसिनि बिब्थैआ गामियावनो थायोखाय गामिनि मानसिफोरबो दोन्नो थिंरंथा लानायसै। बेनिफ्राय बियो फिसाइखौ फाहामनो नाजानायसै। एखनब्ला मोजां जानाय बादि जायो आरो बिदिनो लाइसिआ

थाखोनि सोलॉंथाइ होनानै मानसि गिदिर खालामनो। देरसिन सानै फिसाजोफोर गोजों फराइसालियाव फराय हैबायमोन। नाथाय नख'रनि थासारिनि थाखायनो बिसोरखौ गोखै उन्दै बैसोआव बिलाइ हर्नंबाय लाइसि बसुमतारिआ। बुंनो थंब्ला लाइसिनि फिसाजो सानैआबो जौसां-देस्कां नायनो समाइना गोजा बिमा बायदि। दुइसिन सानै हौवासाफोरा फरायगासिनो दड'।

जायखि जाया फिसाइ जावलिनायखौ फाहामनो नाजाबाय थादोंमोन। लाइसिआ। जेराव अजा मोजां दं खोनायो बेयावनो बियो नागिर नागिर थानानै मुलि लाबोना फिसाइनो दौफैयोमोन। नाथाय एसे हामनो बायदि जायो हामजोबा जाफिनो। मोनसे समाव बियो थोजासे दुखु-दाहा लानानै फिसाइनि नख'रनि दोहोन-सम्फथिखौ नागार जोबना फैनानै बिमा-बिफानि न'आव थाफैनांगौ जायो। मानो होनोब्ला बिनि फिसाइनि न'आ गामि सिं जायगायावसो। गारि मटर जेबो सोलियै जायगा। बेखायनो बियो बिमा-बिफानि न'आवनो जैरिखि जाया थै-थां फिसाइखौ लानानै थाफैनायसै। बिनिफ्राय बिमा-बिफाया गामियाव हा एसे हगारना होनायसै। बेयावनो खुनुरुखुम न' गंसे लुनानै बियो बिफानि बारियावनो जिउ खानो लानायसै। बिफाहाबो गावनि होन्नाय फिसा हौवा गैयामोन खालि हिनजाव गोजा सा द' फिसाजोमोन।

लाइसि बसुमतारिनि बिफाया गावसोरनि हालामाव सासे मान गोनं गेदेमा सुबुंमोन। बिखौ बयबो हासां-बर' सिनायो मिनिजोबोमोन। बेखौ सिनायै हालामाव रावबो गैयामोन होनजायो। बिफाया गामियाव थायामोन टवनावबो हा'न' दंखाय टवनावसो थायोमोन। जैरेंबो जेनिबो जोबनो गैथै रोहो-रोहो दोहोन सम्फथि गोनं। बै गोदोनि दिनाव बिसोरहानो गिबि बर'नि मादाव मटरबास बायजेन्दोंमोन। बै समाव बर'नि मादाव बिदि गारि मटर बायलायनो हानाय दोहोनि गेबाउमोन। मानो होनोब्ला लाइसि बसुमतारिनि बिफानि बिफा बिबौआ जोबोर गोहो गोर सुबुंमोन। बोराइया जौ लोडामोन। जोबोर थि थि खिरफिनमोन। जाला-लॉला गैया नालाय बोराइआ गोबां सम्फथि सोरजिखुब हादोंमोन। लाइसि बसुमतारिनि बिफामोनहा बिदा फंबाइ साथामोन। बिसोरनि नख'रव जेनिबो आंखाल गैयामोन। बेखायनो लाइसि बिफाजों गिदिर गिदिर गोरों गोर अफिसारफोरा ज'ज' जालायग्रा-लॉलायग्रा गहाम सोमोन्दो लाखियोमोन। सिगाडव लाइसि बसुमतारिआ टवनिनि बिफानि न'आव थागो फेदोंमोन। बेनिफ्राय उनाव फिसाइखौ लाना आख'ल-फाख'आव गोग्लैनाय न' लुना गामियाव थाहैनायसै। लाइसिनि बिब्थैआ गामियावनो थायोखाय गामिनि मानसिफोरबो दोन्नो थिंरंथा लानायसै। बेनिफ्राय बियो फिसाइखौ फाहामनो नाजानायसै। एखनब्ला मोजां जानाय बादि जायो आरो बिदिनो लाइसिआ

जोबोर खुसि-खुसि जाइजो जानो नागिर। नाथाय फिन दुखुआव गोलैफिननांगौ जाफिनो। मा जहोन रावबो हमनो हाया। खाफालनि लिनाय ना मानसिनि दाय। संसाराव जोनोम मोन्ना मानसिया बायदि रोखोमनि दुखु-दाहा लानांगौखौ लाइसिनि खाफालावबो हरजोबनाय बादि बियो बेसेबां सहाय नांदों बेखौ खुगाजों फोरमायनो गोब्राव। थेवब्लाबो लाइसिआ लोरबां नडमोन। गावदि सासे दुखुथिया आइजो बेखौ गुबुनखौ मोन्दां होआमोन। बयजोंबो मिनिस्लुना रायदावनाय मिनिखुसि रायलायनाय बेफोरबादि आखुनिमोन लाइसिआ। सासे आलो आलो दोहोनि नख'राव उजिनानै मोजां फिथाइ-सामथाइ, ना-बेदर जानानै देरबोनाय आइजो बियो। बेसेबां दुखु नांथाव बाश्रादि, जुलिनि उनाव बेबायदि दुखु-दाहा लानानै जिउ खानांगौ जानाया। नाथाय आइजोनि दुखु-दाहाखौ सोर साबसेआ मोन्दाडे? बुंनो थंब्ला दिनेनि दिनआव लाइसि बसुमतारिनि खाफालाव खोमसिनि अनगा जेबो गैला। सिखि मानसिजों सावराय जाग्रा खाफाल गोबाय आइजो जाबाय बियो। जिउआव जुजि-जुजि मँगिलनो हमबाय बियो। नाथाय आइजोसोना बियो। नंखायनो बियो सहायसुलि जानांगोन। मोनफ्रोमबो गुबुननि सावरायनायखौ फारसे खोमाजों खोनासंनानै गुबुन फारसे खोमाजों हगार हर्नो हानाय गुन थानांगोन। आइजोनि जिउआव बायदि रोखोमनि बिबान रुजुननांगौ सफैयो। बेफोरखौ सहायनो हानाय गुन आइजोफोरनो इसोरानो हरफाखायो जानांगौ। गहामनि बुब्लि लामा नायै नायै मँगिलनाय देहाखौ लाना बियो दा जिउनि बेलासि समाव आगान हौफैबाय।

बिनिफ्राय जोबोद दुखुनि बाश्रादि, फिसाज्जा सानैआ मेट्रिखौनो बारग'नो हायाखिसै। नख'राव फरायनायनि थासारि गैयाब्ला बहा बारग'नो हानो। बिदिनो फिसाज्जा उन्दैआबो गावनि लोगोफोरजों सोनाव राइज्योथिं कम्पानोफोरव खामानि मावहैनोसै होन्ना थंबाय आरो सासेआ न'आवनो थायोमोन।

लाइसि बसुमतारिआ गामिनि खुरमा, बाहागिफोरनाव बयनावबो थालाय-फैलाय सोलियोमोन। एखनब्ला खुरमाफोरनि दै सारनायनि जानाय-लॉनारनि फोबौफोरव लाइसिखौबो लिंहरोमोन। बेबो बैसो जानायजों जाबजों दाना गावनि दुखुफोर एरैनोसै नंनानै एखनब्ला बियो गावनि बिमादेंमोनजों जानाय-लॉनाय फोबौफोरव फ्रायनो थांफायोमोन। गोसो गात्रिखौ दानगारनो थाखाय बियो खाबु मोनब्ला जौबो लॉफायोमोन बिमादेंमोनजों। अब्ला बियो दुखु-दाहा बावथ'नानै खुसि जायोमोन। नाथाय जायनि खाफालाव दुखु दाहाया रोदा सुखानाय बेखौ हरखाव बौरै बुखुना गारनो हानो। बेखायनो सहाय नांगोन बियो। गावनि खाफालाव लिना हरखानायखौ।

## इउरपआव आबादारिफोरा गोरखौ सोमावसारदों

मेडिड, 22 फेब्रुवारी : इउरपीयान इउनियन आरो जायगानि आबाद खान्थिफोरनि हेंथायै सोलिबाय थानाय हेंथा धर्ना होनायनि गेजेरावनो रोजा रोजा आबादारिफोरा बुधवारखालि ट्रेक्टरजों गेजेर मेडिड फारसे आवगायलांबाय थादों। बिसोरो मेडिडआव सोलिबाय थानाय धर्नायाव बाहागोयारि जाहैदों। मख'जाथावदि, हाजतनाडै 2 सप्ताह सि गॉनि फी यनो आबादारिफोरनि हेंथा धर्ना होनाया सोलिदों। बे समावनो स्पेननि राजथावनियाव आबादारिफोरा मोनसे गिदिर धर्ना खालामनाय हाबाफारि लादों, जाय बयनिखुइबो देरसिन धर्ना जागोन। बे हाबाफारियाव आबाद मावख'नि मोखाडव हान्जा सुरनाय हाबाफारिबो लाफानाय जादों। आबादारि आफादा



बुंदोंदि, बिसोरो गं 500 ट्रेक्टर आरो बास गारिफोरजों गोबां आबादारिफोरखौ धर्नानि हाबाफारियाव बाहागो लानो लाबोगोन। अदेवानि सरकारनि गोखों होबथानायनि जाहोनाव माखासे ट्रेक्टरफोरा सहरनि बायजोआवनो थागोन। बावैसो सिगांनि सप्ताहायाव बै गासै ब्लाकआव बेबायदि रोखोमनि धर्ना होनायखौ नुनो मोन्दों। आबादारिफोरा अजद होदोंदि, आबहावा आरो गुबुन आयदाफोराव इउरपीयान इउनियननि नेम-खान्थि लाबोनाया रांखान्थियारि जाबसिन्ना होनाय आरो बिसोरनि दिहुन्थाइया नन इउरपीयान इउनियननि इम्पर्टनि रुजुनायाव बेसेन गोसासिन। स्पेन आरो इउरपीयान आयगआ बावैसो सिगांनि सप्ताहफोरव माखासे रेहाय होदों। नाथाय आबादारिफोरा बेखौ गावसोरनि थाखाय थोजासे नडा होन्ना गोखों अजद दैखादों।

## कंग्रेस आरो एआइइउडिएफ राजखान्थि हान्जाफोरा राइज्यो आयेन आफादनिफ्राय एखे समावनो

### ऑखारलानायनि सायाव हाजरियाकाया सोंथि खालामदों

गुवाहाटी, 22 फेब्रुवारी: कंग्रेस आरो अल इन्डिया इउनाइटेड डेमक्रे टिक फ्रन्ट (एआइइउडिएफ) राजखान्थि दोलोखौ राइज्यो आयेन आफादनिफ्राय एखे समावनो ओंखारनायनि थाखाय सोंखारिनाय जादों। आसामनि संसदारि हाबानि मन्थि पिपुष हाजरिकाया मोनैबो दोलोआ गावजों गाव बेरेखा ना गोरोबलायनायाव दं होन्ना सोंथि खालामदों। बुधवारव बुंथिगिरिया गुरुखुति मावथांखिनि सोमोन्दै सासे एआइइउडिएफनि एमएलएनि सोंलुनि सायाव सावरायनो थाखाय गनायथि होआबालानो मोनैबो दोलोआ वाकआउट खालामो। हाजरिकाया बे जाथायनि सायाव बुंदों, कंग्रेसआ जेब्लाबो एआइइउडिएफखौ नोजोर होयो आरो एआइइउडिएफआ



कंग्रेसखौ नोजोर होयो। कंग्रेसआ बुडोदि, एआइइउडिएफआ हारियारि आरो एआइइउडिएफआ बुडे कंग्रेसआ मुसलमानफोरनि थाखाय जेबो खालामाखै। नाथाय दिनें जों सोमोनांदोंदि, एआइइउडिएफनि एमएलएआ मोनसे सोंलु दैखादों आरो कंग्रेस आरो एआइइउडिएफ मोनैबो दोलोआ गावजों गाव बेरेखा ना गोरोबलायनाय। कंग्रेस आरो एआइइउडिएफ बे मोनै दोलोनि गेजेराव गोदान

## दिनैनि फान्जामुथि

### राशि बाइदियै मुंनि गिबि हांखो

मेघ : अल वृष : ऊब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : तर बृश्चिक : बन धनु : ध ध (ढ फ) मकर : ख ज कुम्भ : ग श (स) मीन : द च (ख ज झ)

-  **मेघ:** गोदानै माबाफोर सुबिदानि थाखाय सोरजोंबा जगाजग खालामनानै लानो हागोन। मोजां सम।
-  **वृष:** बायदिसिना जालु-जाला जाबाय थानायनि थाखाय महर मुसिआ गोमालानो हागौ। देहाखौ सांग्राडै लाखि।
-  **मिथुन:** मानिबा थाखाय दुखु-दाहा सैनानो हागौ। नख'रआव गोजोन्नाय गैथै सोमजिनो हागौ।
-  **कर्कट:** जेंना गैथै सुखुयै दिनखौ बारहर्नो हागोन। फारफ्रोमथिबो मोजां।
-  **सिंह:** नख'र संसार जानायाव दावराव-दावसि सोमजिनो हागौ। गोसो हमथानानै थानाया गहाम।
-  **कन्या:** दिनैनि दिनआव खस्ट मोन्नांनो हागौ। जेखियानो जाया गोसोखौ हमथा।
-  **तुला:** जेखियानो मावा फालांगिआव रंनि मुलाम्फा मोन्नो हागोन। मोजां सान।
-  **बृश्चिक:** बेफार फालांगि मावग्रानि थाखाय गोथार सम। फालांगिखौ फेहेरनानै लानो हागोन।
-  **धनु:** मानिबा थाखाय जिंगा सिनानो हागौ। गोसो हमथानानै सोलिनांगोन।
-  **मकर:** माबाफोर मुवा-बेसाद गोमाजानो हागौ। गोसोआव गिखानाय मोनगोन। सांग्राडै था।
-  **कुम्भ:** माबा मोनसे मोजां खौरं मोन्नो हागोन। गोसोखौ रंजानाय मोनगोन। मोजां सान।
-  **मीन:** मानिबा थाखाय गोसोखौ गात्रि मोनखानो हागौ। गोसोखौ लोरबां लानो नाड।

## संयुक्त किसान मर्चाआ 26 फेब्रुआरिआव ट्रेक्टर हान्जा सुरगोन

गोदान दिल्ली, 22 फेब्रुवारी: पान्जाबनि आबादारिफोरनि सोलिबाय थानाय दिल्ली हान्जा सुरनाय आरो सोमावसारनायनि गेजेराव संयुक्त किसान मर्चायाबो बृहस्पतिवार खालि मोनसे मेल खुदों। सावरायनायनि उनाव मोनसे खौरं मेलआव आबादारिफोरनि दैदेनगिरि राजेवालआ बुडेदि, जों पान्जाब-हारियाना सिमायाव सासे सेंग्रानि मुख्कं जानायखौ सोंखारियो। हादरनाडैनो हारियानानि गिबि मन्थि मनहर लाल खट्टर आरो मिरु नख'र मन्थि अमित शाहनि मुसुखाखौ सावनाय जागोन। संयुक्त किसान मर्चायाबो गावनि



आरोबाव मावथांखिफोरनि बागै फोरमायदों। खौरं मेलाव राजेवालआ बुंदोंदि, हारियाना पुलिसआ जॉनि ओनसोलाव फेदोंमोन आरो ट्रेक्टरफोरखौ सिफायदों। बेनि थाखाय हारियाणानि नख'र मन्थिनि बेरेखायै 302 नि केस होनांगौ। किसान मर्चाया बुडेदि, बे गासैबो सोमावसारनायनि आन्दोआव हादरनि नखर मन्थिनि आखाइ दं बेनिखायनो हारियानानि गिबि मन्थि आरो नख'र मन्थिआ बिबान एंगारनांगौ। संयुक्त किसान

मर्चाया गाबोन आक्रुश सान फालिनो थिंरंथा लादों। राकेश टिकैटआ 26 फेब्रुवारी खालि राजा लामानि फारसेथिं ट्रेक्टर रेलि खालामगोन। बेजों लोगोसे रेलिखौ 14 मार्चखालि दिल्लीनि रामलीला मैदानाव खुंनय जागोन। बेजों लोगोसे 26 निफ्राय 29 सिम डब्लिउटिअ'नि जथुमाखौबो हेंथा होनाय जागोन। कि सान मर्चाया मिथि होदोंदि, हनन मौला, उग्राहा, रमिन्दर पटियाला, दर्शन पाल आरो राजेवालखौ लाफानानै सा 6 सोदोमाफोरनि मोनसे

**बोसोरारि थिका सामलायनाय**

टेन्डर नं.: आइएएफए-एनपि-पिएएल-एन/बिक/आर-528 ए। गहायव होनव खामानि थाखाय इ-टेन्डर हांखायदों। खामानिनि मुं: सिपएडिल्ट वरकंस, एच.एच.रेवे, निर बडहागवआव ने बोसोर समनि थाखाय वाटर क्लार आरो वाटर प्युसिफरनि बोसोर थिका सामलायनाय। फोसावथायनि वेबेस: 3,17,597.96 ए। अंतिम रें: 6,400.00 ए। इ-टेन्डरआ 12-03-2024 नि 15:00 सिमायव जोबमोन। गोबोआव होनय इ-टेन्डरनि आबुं फोरमायथिखौ टेन्डर डकुमेन्टजों लोगोसे [www.ircps.gov.in](http://www.ircps.gov.in) वेबसाइडआव गोबळै मोनो हागोन।

सिडिल्टएच/सि एच डब्लिउट वरकंस/निउ बडहागव सा-सान्जा सिमना रेलवे 'मिस्लानायजों ग्राहकफोरनि सिथियड'

## मिरु सरकार आइजोफोरनि रैखाथिनि थाखाय 2025-26 माइथायनि मोनसे बिथांखि लादों

गोदान दिल्ली, 22 फेब्रुवारी: मिरु सरकार 2025-26 माइथायसिम आइजोफोरनि रैखाथिनि थाखाय थांखिगोनां बिथांखिखौ सोलिहोबाय थानो थिरांथा लादों। बे थिरांथाखौ बुधबाराव गाहाइ मन्थि नरेन्द्र मदिनि दैदेन्यायव जानाय मिरु के बिनेटनि जथुमायाव गासै 1,179.72 कौटि रं खरसानि गेजेराव नख'र मन्थि बिफाना गावनि बाजेटनिफ्राय 885.49 कौटि रं होगोन, जेराव 294.23 कौटि रंखौ निभया फान्डआ होगोन। बे बिथांखिया 2021-22 माइथायनिफ्राय सोलिगासिनो दं। केबिनेटआ बेखौ सोलिहोबाय



थानो थाखाय नख'र बिफाननि थांखिखौ गनायथि होदों। भारत सरकार आइजोफोरनि रैखाथिनि फारसे गावनि नाजानायाव रइज्योफोर आरो जुथाइ हायुं आवथाफोरनि हेफाजाबाव गोबां

मावथांखिफोर जागायदों। मोनसे मावख'आरि बिबुंथिनि बायदिल्ला ग्रहसाजों सोमोन्दो गोनां लेडाइ सेक्टरखौ दा मोनथाम गुबुन गुबुन हाबाफारिफोराव बोखावनाय जादों।

गोदान दिल्ली, 22 फेब्रुवारी : मिरु सरकार साबसिनै मासि थिसन्थाइनि खाबु, मावफारियाफोरखौ गोदानै थिसन्नाय आरो गुबुन गुबुन अखांमायारि रैखाथि हाबाफारिफोरनि थाखाय हिउमेन रिसचेंसखौ रोखा खालामनायनि बिथिडाव गिदिर थांखि आजावदों। सरकार मोनबा सेन्ट्रल आर्म पुलिस फर्स हान्जाफोर आरो आसाम राइफल्सनि आधिखालाव थानाय हिउमेन रिसचेंसआव सा 24,000 मावफारियाफोरनि रिजार्भ डिपिउटेसनखौ गनायथि होयो। नख'र मावख'या



मंगलबारखालि सिआरपिएफ, बिएसएफ, आइटिबिपि, सिआइएसएफ, एसएसबि आरो आसाम राइफल्सआव सा 23,958 मावफारियाफोरनि रिजार्भ डिपिउटेसननि थाखाय मोनसे बिथोन फोसावो। आसाम राइफल्सनि अनगायै बेफोर मोनबा सिएपिएफखौ उतखारि होबथा अधियानफोर, सिमाखौ बेंनाय, बिसायख'थि खुंनय आरो हादतनाडै आइन राहाखौ लाखिलांबाय थानाय बायदि गुबुन गुबुन इंसिडरि

रैखाथिनि बिबानफोरखौ मावफुंनयनि थाखाय थिसन्नाय जादों। बिसोरो जर'खा रैखाथि हान्जा (एसिजि), नेशनल सिफिकरिगिटि गार्ड (एनएसजि), एनडिआरएफ, इन्टिलिजेन्स ब्युर' (आइबि) बायदि गुबुन गुबुन जर'खा फसंथानफोरनिबो गुदि रिजार्भ डिपिउटेसन। बेफोर एजेन्सिफोरा नख'र मावख'नि बेंखानआव खामानि मावो आरो बिसोरनि सायाव भारतनि इसिडरि रैखाथिनि बिबान दड। रैखाथि

मावख'आ सिएपिएफ आरो आसाम राइफल्सआव मावफारियाफोरखौ थिसन्थाइ होनायनि गनायथि होबाय। बेजों बेखौ रोखा खालामनायाव मदत मोनगोनि, बेफोर रैखाथि हान्जाफोरनि बिबानगिरि आरो मावफारियाफोरखौ थिसन्थाइ होनो हानाय जागोन। लोगोसेनो राहा गोनां आरो फसंथानारि राहाजोंबो गावनि गियान आरो सोलोखौ बांहोनायाव साबसिन जागोन। बिसायख'थि आयगआ रेलवे बर्डनो जानो

गोनां लकसभा आरो बिधान सभा बिसायख'थिनि थाखाय थिसन्तो लानाय 3.4 लाखनि बांसिन रैखाथि मावफारियाफोरखौ ट्रेनजों गाहामै आरो सुबिधा गोनाडै हान्था-मेला खालामनायखौ रोखा खालामनोबो बिथोन होदों। आगुनि समाव रैखाथि मावफारियाफोरा डिउटि गोलैनाय जायगाफोराव गोबावै सौहैनायखौ नोजोर होनानै आयगआ बे बिथोनखौ होदों। थांनय सप्ताहयाव फोसावनाय मोनसे बिथोनाव आयगआ रेलवेनिफ्राय 24 घन्टा सोलिबाय थाग्रा मोनसे कन्ट्रल रुम गाइसन्तो दाबि खालामदों, जाय फँगौ माखासे दानफोराव सिएपिएफनि मावफारियाफोरनि हादतनां थांनय-फैलाय खालामनायखौ नोजोर लाखिगोन। रेल दाब्बा सिडाव फांका आरो एयार कन्डिसनिजों लोगोसे जाग्रा आदार आरो लामायाव मोनलानाय स्टेशनफोराव फाहामथाइजों लोगोसे गुबुन गोनांथार सुबिधाफोरखौबो जगायना होगोन।

## 2027 माइथायसिमाव भारतआ मुलुगनि थामथि बयनिखुइबो देरसिन रांखाथियारि हादर जागोन




गोदान दिल्ली, 22 फेब्रुवारी: भारतआरि रांखाथिनि मुडव आरोबाव मोनसे गिदिर जाफुंसारनायखौ दाजावदेरनो थांगासिनो दं। 2027 मायथाइसिमाव भारतआ जापान आरो जार्मानखौ बारनानै मुलुगनि थामथि बयनिखुइबो देरसिन रांखाथियारि बेबस्था थानाय हादत जागोन। ग्लबेल ब्रकरेज फार्म जेफरिजआ मोनसे फोरमायथियाव बे बाथ्राखौ बुंदों। फार्मा बेखौबो बुंदोंमोनदि, भारतारि स्टक मार्केटआ जोबोद गोखैयै जौगागासिनो दं। थांनय 20 बोसोराव स्टक मार्केटआ 10-12 जौखोन्दो इएसडिनि सिएजिआरआव जौगागासिनो दं।

बेयो दा 5थि बयनिखुइबो देरसिन इक्विटी मार्केट। बे गोखैथिजों बांनयनि जाहोनाव भारतारि स्टक मार्केटनि मार्केट केपआ 2030 माइथायसिम 10 ट्रिलियन डलारसिम सौहैनायनि आसा दं। ब्रकरेजनि फार्मनि बायदिल्ला, थांनय 10 बोसोराव भारतनि जिडिपिआ आमेरिकानि डलारआव 7 जौखोन्दोनि सिएजिआर बांनानै 3.6 ट्रिलियन डलारसिम सौहैबाय। बेबादिनो बेयो 8थि बयनिखुइबो देरसिन रांखाथिनिफ्राय 5थि बयनिखुइबो देरसिन रांखाथि बेबस्था जाबाय। डब्लिउइएफनि आफदगिरि बर्मा

बिफावनि सायाव बिथाड बुंदोंमोनदि, भारतआ 1 ट्रिलियन डलारनि रांखाथि आरो फैबाय थानाय बोसोरफोराव थामथि बयनिखुइबो देरसिन रांखाथि बेबस्था जानायनि लामायाव दं। ब्रेन्डेआ बुंदोंदि, वाल्डिइक'नमिक फरामआ (डब्लिउइएफ) जेब्ला सम फैयो अब्ला भारत सरकारनि हेफाजाबाव डब्लिउइएफ इन्डिया समिटजों हादराव फेफिननो मिजिं थिदों। बुहुमनि गासै गिदिर रांखाथिफोरनि गेजेराव भारतनि रांखाथिया बयनिखुइ गोखैसिन जौगानाय। जों बे बोसोरनि जागायजेन्नायाव दाभसआव नुदोंमोनदि, भारतनि बागे गोबां गोसो दं आरो आं सानो बेयो सोलिबाय थागोन। ब्रेन्डेआ बुंदोंदि, भारतआ मोनसे मोजां थासारियाव दं आरो फैबाय थानाय समाव बेयो आमेरिका आरो चीननि उनाव बुहुमनि थामथि बयनिखुइबो देरसिन रांखाथि बेबस्था जागोन। मुलुगनां-राजखाथियारि दावराव-दावसिजों जुजिनयाव भारतनि

बिफावनि सायाव बिथाड बुंदोंमोनदि, जों फैबाय थानाय बोसोरफोराव मुलुगनां थासारियाव भारतनि मोनसे गिदिर गोहोम नुगोन। मिरु मन्थि अश्विनी वैष्णवआ बृहस्पतिबाराव फोरमायदोंमोनदि, भारतआ फेगौ 10 बोसोरसिम 6-8 जौखोन्दोआव जौगालांबाय थागोन। बिथाड बुंदोंमोनदि, मुलुगनां कम्पनीफोरखौ नख'रि आरो मुलुगनां हाथायफोरनि मुलाम्फा लानो थाखाय हांखायहरनाय जादों। रायसीना डायलग 2024 आव बिबुंथि होनानै बुंदोंमोनदि, भारतआ मुलुग आरो गोदान सानस्त्रिफोरनि थाखाय उदं। भारतनि रांखाथिया जोबोद मोजां हारजों थार'यै जौगागासिनो दं। फेगौ 10 बोसोरसिम भारतआ 6-8 जौखोन्दोआव जौगाबाय थागोन।

## चीननि गुवांजौआव कन्टेनर जाहाजआ दालांजों सौग्रावनायाव सा 2 सुबुनि जिउ ख'हा



बेइजिं, 22 फेब्रुवारी: बृहस्पतिबाराव मोनसे कन्टेनर जाहाजआ चीननि गुवांजौ सहरजों सौग्रावलायनायनि उनाव गंसे दालांनि माखासे बाहागोआ गोखैयो। बेनि जाहोनाव साने सुबुनि जिउ ख'हा जायो आरो गुबुन साथामा गोमादों। जोखोम जानायफोरखौ देहा फाहामसालियाव थिसन्नाय जादों। बे जाथायाव गोबां गारिफोर खहा

जादों। बे जाथाया हंकरनिप्रय प्रय 90 किल'मिटर सा-सोनाबाव गुवांजौआव जादोंमोन। पुनि समाव गुवांजौनि नानशा जिल्लयाव गंसे लांदां कन्टेनर जाहाजआ लिक्सिन्सा दालांजों सौग्रावदों, जायनि जाहोनाव दालांनि माखासे बाहागोआ गोखैदों। बेइजिं निउसनि बायदिल्ला, जाहाजनि केप्टेइन्खौ एरेस्ट खालामनाय जादों। ग्ल'बेल टाइम्सआ फोरमायथिदोंदि, जात्रबथायनि जाहोन आरो थैनायनि अनजिमाखौ आधिखालाव नायबिजिरासिनो दं। सौग्रावनाय समाव गंसे बासआ गोजौनि दालांजों थांगासिनो दंमोन, जाय दैमायाव गोखैदों। बेयाव साबसे सुबुंफेर दंमोन दासिमबो जेबो रोखा फोरमायथि गैया। रैखाथि हान्जाफोरा जायगायावनो खामानि मावगासिनो दं। बबेखानि गुवांजौ बास कम्पनीया बुंदोंदि, जेब्ला बिथांमोननि बासआ दालांनिफ्राय गोखैदोंमोन अब्ला सालायगिरियाल' बेयाव दंमोन। रैखाथि हान्जाफोरा जाथाय जानाय जायगायाव दं नाथाय गुबुन थैनायनि अनजिमाखौ दासिमबो मिथिनाय जायाखे। जाथायनि उनाव मोनसे गिदिर बायनायनि जाहोनाव दालांजों हान्था-मेलानि थाखाय बन्द' खालामनाय जादों।

## कर्नाटकआव थानसालिफोराबो टेक्स होनांसिगोन



बेंगलुरु, 22 फेब्रुवारी: बिजेपिआ फिन खेबसेबाव कर्नाटकनि सिद्धारमैया सरकारनि बेरेखायै खुगा बेखेवदों। सिद्धारमैया सरकार बुधबाराव कर्नाटक हिन्दु धोरोमारि फसंथान आरो चेरिटेबल एन्डाउमेन्ट बिल 2024 खौ पास खालामो। बे बिलखौ पास खालामनायनि उनाव बिजेपिआ सिद्धारमैया सरकारखौ हिन्दु बेरेखा बुंडो। थारैनो कर्नाटकआव 1 कौटि

रेड्डुआ बिजेपि दैदेनगिरिनि सौलुफोरनि फिन्नाय होदोंमोन। बिथाड कंग्रेसखौ हिन्दु बेरेखा दिन्थिनानै बिजेपिनि सायाव राजखाथियारि मुलाम्फा लानायनि दाय होदोंमोन। रेड्डुआ गोखोडे बुंदोंमोनदि, कंग्रेसआ थांनय माखासे बोसोरनिफ्राय थानसालिफोर आरो हिन्दु मुलाम्फाफोरखौ रैखाथि होबाय थादों। बेयो रोखादि बिजेपिआ जेब्लाबो कंग्रेसखौ हिन्दु बेरेखा होन्ना दाबि खालामनाय राजखाथियारि मुलाम्फा लायो। अदेबानि, जों कंग्रेसआ, गावखौनो हिन्दु धोरोमनि नंगुबै मददगिरि होन्ना सानो, मानोनो थांनय माखासे बोसोरफोराव कंग्रेस सरकारफोरा थानसालिफोर आरो हिन्दु धोरोमनि लुबैनायफोरखौ रैखाथि होबोबाय थादों।

बुंदोंमोनदि, सिद्धारमैया सरकार हिन्दुनि बेरेखा बिथांखिफोर आजावनानै गावनि लांदां बाखिखौ आबु खालामनो लुबेदों। कंग्रेस सरकारा राइज्योआव हिन्दु बेरेखा बिथांखिफोरखौ नाजावबाय थादों। कंग्रेसआ आधिखालाव हिन्दु थानसालिफोरनि खोजोनायावबो नोजोर होदों। कंग्रेस दैदेनगिरि आरो कर्नाटकनि मन्थि रामलिंगा

## सिनि स्टकयाव मोनसे सरकारि फोसावनाया बेले-बेजे सोमजि होदों



गोदान दिल्ली, 27 फेब्रुवारी: आधिखालाव गासैबो सिनि कम्पनीफोरनि स्टकफोरा गाहायाव फेनायखौ नुनो मोन्दों। बबेखानि बे गोलैनायनि जाहोना म? मिरु सरकार 2024-25 माइथायनि बोथोरनि थाखाय खुसेरनि मोजां आरो मुलाम्फा गोनां बेसेनखौ (एफआरपी) 25 रानिफ्राय 340 रं कुइन्टेलसिम बांहोनो फोसावदों। बेयो चीननि कम्पनीफोरनि सायाव बजाखौ बांहोगोन आरो बिसोरनि मुलाम्फायाव गोहोम खोखलैगोन। बे गिनयनि जाहोनाव चीननि कम्पनीफोरनि स्टकफोरा दिदैनै जागायजेन्नाय फालांगियाव 3 जौखोन्दोसिम गाहायाव फेदों। आधिखालाव मोनसे जौगानाय जादों। बबेखानि मोनसे कम्पनीनि अनगायै गासैबो स्टकफोरा दासिमबो फालांगि खालामगासिनो दं। बिएसइआव फारि लाइ खालामजानाय राना सुगारनि बेसेना 3.21 जौखोन्दो खामयाननै 25.35 रं, मवाना सुगारनि बेसेना 2.81

जौखोन्दो खामयाननै 101.70 रं, राजश्री सुगर्स एन्ड केमिकल्सआ 2.50 जौखोन्दो खामयाननै 72.62 रं, श्री रेणुका सुगारनि बेसेना 2.41 जौखोन्दो खामयाननै 48.50 रं, केसिपि सुगार एन्ड इन्डस्ट्रीजआ 2.20 जौखोन्दो खामयाननै 48.50 रं जाहैदों। डालमिया भारत सुगार एन्ड इन्डस्ट्रीजआ 1.15 जौखोन्दो खामयाननै 403.15 रं मोनफ्रोम बाहागोआव, बलरामपुर चीनी मिलनि बेसेना 1.12 जौखोन्दो खामयाननै 376.50 रं, धामपुर सुगार मिलनि बेसेना 0.96 जौखोन्दो खामयाननै 248 रं आरो त्रिवेणी इन्जिनियारि एन्ड इन्डस्ट्रीजआ 0.76 जौखोन्दो खामयाननै 347.80 रं मोनफ्रोम बाहागोआव थाडे। सरकार बुधबाराव 2024-25 माइथायाव खुसेरनि मोजां आरो

मुलाम्फा गोनां बेसेन (एफआरपि) खौ 25 रानिफ्राय 340 रं कुइन्टेललाव बांहोनो गनायथि होयो। गोदान खुसेरनि बोथोरा अकटवरनिफ्राय जागायजेनो। 2014 माइथायाव गाहाय मन्थि नरेन्द्र मदिजों दैदेनजानाय नेशनल डेमक्रेटिक एलाइन्स (एनडिए) सरकार फेनायनि उनाव बेयो बयनिखुइबो देरसिन एफआरपि। बिबानि बिथिडाव बेयो नैथि खेब जेब्ला मदि सरकारा खेब सेयै नो एफ आर पिखौ कुइन्टेलसेआव 25 रं बांहोदों। खुसेरनि एफआरपि बांहोनायनि थिरांथाया गाहाइ मन्थि नरेन्द्र मदिनि दैदेन्यायाव रांखाथियारि आयदानि केबिनेट कमिटि (सिसिइए) नि मोनसे जथुमाव लानाय जादोंमोन। सोदांनय एफआरपिआ 1 अक्टबर, 2024 मायथाइनिफ्राय गोहोम गोखैलैगोन।

### PUBLIC NOTICE

No. SSA/PM-POSHAN/Engagement/171/2024/10533  
In pursuant to the advertisement published vide No. SSA-18011(12)/1/2023-MDM-Sarba Shiksha Abhiyan (SSA)/1/356476/2023 dated 04.12.2023, it is for general information to all concerned that the interview schedule for the posts under PM-POSHAN as mentioned below :

Post Name	Date of Schedule of Interview
Accounts Assistant [For State Nodal Office]	01.03.2024
Accounts Officer[For State Nodal Office]	01.03.2024
Accounts Officer [For District Mission Office]	02.03.2024 and 04.03.2024
District Programme Manager[For District Mission Office]	05.03.2024 and 06.03.2024

The date-wise list of short-listed candidates is uploaded in the official website of Samagra Shiksha Axom at <https://ssa.assam.gov.in>

The short-listed candidates are requested to attend in the interview from 9.30 am onwards as per the scheduled date at the State Mission Office, Samagra Shiksha Axom, Kahilipara, Guwahati-19 with the original testimonial relating to Educational Qualification, Experience and other relevant documents, etc.

Sd/- Executive Director  
Samagra Shiksha Axom  
Kahilipara, Guwahati-19

Janasanyog/DF/2799/23/23-Feb-24

No. KOK/SSA/KGBV/Type-II&III/Engagement/16/2022

Dtd.21/02/2024

### ADVERTISEMENT

Applications are invited on standard form from eligible female candidates for the following positions for contractual engagement in the Kasturba Gandhi Balika Vidyalaya (KGBV) Type-III, Kokrajhar Gossaigaon and Kachugaon. All the Post are reserved for Bodo Medium. The selected candidates must have to reside within the Hostel campus. The application will be received upto 4.00 p.m. of 08<sup>th</sup> March/2024 at District Mission Office, SSA, Kokrajhar. The Eligibility conditions and salary etc. are given below-

Sl.	Name & No. of position	Name of KGBV	Qualification	Monthly fixed remuneration	Age
1.	1. Full time Asst. Teacher (Economics): 1No. 2. Full time Asst. Teacher (Pol. Science): 1No. 3. Full time Asst. Teacher (Physics): 1No.	Kokrajhar K.G.B.V. (Type-III)	<b>Minimum Educational qualification Post Graduate from recognized University with B.Ed. and Higher Secondary TET qualified.</b>	Rs.22,000.00 per month for TET qualified Rs.20,000.00 per month for Non-TET	Below 45 years
2.	1. Full time Asst. Teacher (Maths): 1No. 2. Full time Asst. Teacher (Chemistry): 1No. 3. Full time Asst. Teacher (Botany): 1No. 4. Full time Asst. Teacher (Zoology): 1No. 5. Full time Asst. Teacher (English): 1No.	Kachugaon K.G.B.V. (Type-III)	<b>Preference: Experience in teaching in HS/HSS level</b> On not availability of Higher Secondary TET qualified candidate-	Rs.22,000.00 per month for TET qualified. Rs.20,000.00 per month for Non-TET	Below 45 years
3.	1. Full time Asst. Teacher (Education): 1No. 2. Full time Asst. Teacher (Chemistry): 1No. 3. Full time Asst. Teacher (Geography): 1No. 4. Full time Asst. Teacher (English): 1No. 5. Full time Asst. Teacher (Sociology): 1No.	Gossaigaon K.G.B.V. (Type-III)	<b>Minimum Educational qualification Post Graduate from recognized University with B.Ed. Preference: Experience in teaching in HS/HSS level.</b>	Rs.22,000.00 per month for TET qualified Rs.20,000.00 per month for Non-TET	Below 45 years

The list of eligible (Short listed) candidates for interview / Scrutiny for the above-mentioned posts will be circulated on the Notice Board of the District Mission Office, SSA Kokrajhar on 12<sup>th</sup> February/2024. The eligible candidates will have to appear before the scrutiny/interview board constituted for the purpose in the office of the District Mission Office, Samagra Shiksha, Kokrajhar. The date of scrutiny/interview will be communicated via mobile/WhatsApp. No separate call letter will be issued. No TA/DA will be paid for attending in the interview/scrutiny.

The candidates should bring all original certificates, Mark sheets in support of their educational qualification (from HSLC onwards), Caste certificate (if any) during their verification/ screening process.

Sd/-  
District Mission Co-ordinator,  
SSA, Kokrajhar

IPR(BTC)-2023-24/1443

# बाडाड बाजेटआवनो हिमाचल प्रदेशनि कियारिघाटआव दावबायनो हायो

हिमालय हाजोमानि बिखायाव थानाय हिमाचल प्रदेश राइज्योआ फारफोमथिनिफ्रायबो दावबायारिफोरखौ उदाडै बरयो। एडभेन्चर लाभासनिफ्राय लानानै गोजोन आरो निजोम जायगायाव माखासे सम थांहोनो मोजां मोनग्रा, मिथिंगाखौ मोजां मोनग्रा साफ्रोमबो दावबायारिफोरनि थाखाय बेयाव मोजां अफान दड। बेनि अनगायै दावबायनायनि बाजेटआव माखासे रेहायनि गोनांथि जानाय दावबायारि एबा खम बाजेटआवनो दावबायग्रा सुबुंफोरनि थाखायबो हिमाचल प्रदेशआ मख'जाथाव। जैरेबो सोमखोर हाजो आरो हायेनिफ्राय लानानै बरफजो खोबनाय हाजोफोर ओरेबायदि मोनसे समायना नुथाइ सोमजिखांहोयो, जायखौ नुनानै साफ्रोमबो दावबायारिफोरनि



माखासे सम निजोमे थांहोनो हायो, जायनि गोसोखांथिखौ जिउनि जोबथा समसिम गोरबोआव सेबखांना लानो हागौ।

बोसोर सिगां बेयाव पस्ट अफिस दडमोन नाथाय आथिखालाव बेयाव गोबां रेस्टुरेन्टफोर दंसै, जेराव हिमाचलनि गाहाइ जाग्रा आदार एबा सा भारतयारि जाग्रा-लॉग्राफोरनि स्वाद लानो हायो।

3. चुरधार सेन्सुरि: जिल्लायव दड। बे वेल्डलाइफ सेन्सुरिया 56 बर्ग किल 'मितर गुवाराव गोसारना दड। बे जायगाखौ चुडीचान्दानी मुडैबो मिबथिनाय जायो। बेयाव भगवान शिबखौ सिबियारिफोरा चिरगुर महाराजनि महराव सिबियो।



गोसोआव आलादा गोजोनाय मोनो। बाडाड बाजेट एबा बाडाड रांखान्थिजो दावबायनायनि गोजोनाय लानो हास्थायदोब्ला, हिमाचल प्रदेशनि गाहायाव होनाय माखासे दावबायग्रा जायगाफोरखौ सायख'ना लानो हागोन।

लोगोफोरनि अनगायै नख'रैनो दावबायहैनानै माखासे सम आलो गोजोन थांहोनानयनि थाखाय बेयो मख'जाथाव जायगा। गोबाव

कियारिघाटआव दावबायहैयोब्ला चुरधार सेन्सुरियावबो दावबायहैनो हायो। बेयो हिमाचल प्रदेशनि चिरमौर

4. करल दन्दर: हिमाचल प्रदेशनि सलन जिल्लानि करल हाजोआव बे दन्दरआ दड। बेयो हिमालयनि जोबोद गोजान दन्दर आरो दासिमबो रहस्य गोनां जानानै दड। करल दन्दरआव थांनोब्ला करल हाजोनि थिखिनिसिम गाखोलानांगौ जायो। जायगानि सुबुंफोरा भगवान शिब आरो पान्डबफोरा तपस्या खालामदोमोन होना फोथायो। बेनि जाहोनावनो बे दन्दरखौ पान्डब दन्दर होनाबो बुंनय जायो आरो दन्दर सिडव शिब लिंक दड; जायखौ सिबियारिफोरा दर्शन खालामनो थाडे।



# दिल्ली, पुणे आरो सांलीनिफ्राय 3,700 कौटि बेसेननि ड्राग्स बोखांनो हादो



पुणे, 22 फेब्रुवारि: पुणे पुलिसआ सानथामआवनो पुणे, दिल्ली आरो सांलीनिफ्राय गोबां बिबानि ड्राग्स बोखांनो हानाया पुलिसनि मोनसे गिदर नायबिजिरनाय होन्नानै गनायथिजायो। पुणे आरो दिल्लीनि उनाव पुलिसआ सांलीआव एमडि ड्राग्स बोखांनो हादो। सुलुंनि

बादिब्ला, बे ड्राग्सनि केसआव गुबुन हादरयारिनि आखाइ थानाया सोराडव फैनयजो टेटर फानिडं थानायनिबो सन्देह खालामदो। पुलिसआ बे केसखौ गोथौयै नायबिजिरनो जागायबाय आरो लोगोसेनो बेनि फानिडंनि फुंखाखौबो नायबिजिरो। खौरनि बादिब्ला, जिल्लानि कुपवाड एमआइडिसिनि गंसै

कम्पानीआव सिग्रोमनानै 140 कि:ग्रा: एमडि ड्राग्स बोखांनो मोनो, बेनि बेसेनआ 300 कौटि रांसो जागोन होन्नानै सान्नाय जादो। ड्राग्सनि फालांगि खालामग्रा सा 3 सुबुंफोरखौबो हमनाय जादो। बेजो लोगोसे गसै 3,700 कौटि बेसेननि ड्राग्स बोखांनो हाखांनय जाबाय। पुणे पुलिसआ दिल्लीनि हौजखास

ओन्सोलाव बुधबारखालि गिदर सिग्रोमनायनि गेजेरजो 1000 कौटि रांसो बोसिन बेसेननि ड्राग्स बोखांनो मोन। मख'जाथावदि, पुणे पुलिसआ नेमखान्थि बादिथै ड्राग्सनि सिग्रोमनाय हाबाफारि लादो। बेनि सिगां पुणे पुलिसआ क्राइम ब्रान्सनि मददजो पुणेनि भिथ्रान्तबाडि ओन्सोलनिफ्राय 100 कौटि बेसेननि बांसिन ड्राग्स बोखांनो मोन्दोमोन। बेनि उनाव पुणे पुलिसआ दिल्लीनि हौजखासआव सिग्रोमो। पुणे निफ्राय दासिम 1,100 कौटि रांसि ड्राग्स बोखांनो हाखांनय। बेराफासै दिल्लीनिफ्रायबो 1,000 कौटि रांसि बेसेननि ड्राग्स बोखांनो हादो। पुलिसआ दिल्लीनि आरो पुणे निफ्राय दासिमाव गसै 3,000 कौटि ड्राग्स जब्द खालामनो हाखांनय।

# रंजालि गथ'फोरनि सौरा

## टेद्राकटिस खन्थाइ

जाय  
उनदै  
बिलियाव  
जुलि जादो  
बिनो हौवा गारे गारे खारदो

जाय  
हौवा  
जानानै  
हरदम समाव  
खामानि मावा अब्ला हिनजावा..

जाय  
हौवा  
गारनानै  
खारबाय थादो  
गोनांथि बिलियाव मोनै थाखाय

जाय  
हौवा  
गारनानै  
खारबाय थादो  
गोसोनि मिजिनाय मोनै दाहा

जाय  
हौवा  
गारनानै  
खारबाय थादो  
एखर एखर हौवाफोरा बायगर

जाय  
हौवा  
गारनानै  
खारबाय थादो  
हरदम हौवा हिनजाव नेरलाय लायनाय

-रैदोम बर',  
माजदिद्या, बगुलामारि,  
बाक्सा

## गोबो सिनि जारिमिन

-बिरगोदाउ

निजोम खोमसि मोनाबिलियाव दिदोमै जिरायना दं आं हासिडै रावबो गैया देरायाव आंनि खामसालियाव। आय' हाबाव। मा सममोन बेयो? मानिफ्राय मा जालांखो? गोसोआव जाखांफैयो आंहा बै समनि जाथायफोरखौ- गाबनाय, खालि गाबनाय आरो गाबनाय। सोरबा बिमाया गाबदो फिसानि थाखाय होदाउरि होदादरि आयलि-जायलि। बिखा गेजेरनिफ्राय सिखनालांना- दाय गैया फोदो गैया, सिथारहैदो बबेबा खनायाव। सोरबाया गाबदो गावनि आंगोनि गोमानायाव। बर'नि गामियाव अर जोदो अखां जोब्लाउनाय ब्लाउ ब्लाउ, माय, दै, जि-जोम सना-रुफा, न'खरनि गसैबो आंगो- खामनानै सेवहांगार जालांबाय। हाथफ्ला जालांबाय। गासेनिबो मेगनाव मोदें र'र' रावबो गैया आय होन्नाय। बबाव थागोन, माखौ जागोन। माखौ जोमगोन, जेनिबो अदिस गैया। खालि गाबनाय आरो गाबनायाल' बर' मानसिनि महर नुब्लानो गोसोआव गिनाय। बर'आनो बर'खौ गिनांनय। गावजो गावनो एना-एनि जानाय बेनि जानायखौ बै नायनो हाया बैनि जानायखौ बै नायनो हाया माबोरै बावनो हानो बे जारिमिनखौ- आंनि गोबो सिनि। बबे जारिमिनआव लिरगोन आं बे जारिमिनखौ। लिराब्ला गोमालांगोन, लिरोब्लाबो नायफिन जानाय नडा बर' माहारिजोसो।

## इसारा

दिनै इसारा होबाय दं  
आंनि गोरबोआव  
बे मुलुगाव सानसेदिर्ज़र!

दिनै इसारा होबाय दं  
आंनि गोरबोआव  
सानसे जोडेरज़र!

दिनै इसारा होबाय दं  
आंनि गोरबोआव  
सानसे जॉनि नख'र....!

दिनै इसारा होबाय दं  
आंनि गोरबोआव  
सानसे गावनि असेयानो....!

दिनै इसारा होबाय दं  
आंनि गोरबोआव  
सानसे जॉ गावनि थाखायनो....!

दिपेन चन्द्र बर'  
रडिया, कामरूप

## गोलोम बोथोरनि रादाव

सान सानजौ ब्लांनो आंहा उसु-खुथुसो मोनग्रा जाबाय जोहा गुबुनफोरनि बादि एसि, फेन बायदिफोर गैयाया सानदुनि बिदुंआ बाराथार जायोब्ला एसि, फेननि बार जाना गोसोखौ गोजोन होबायनो, दंजायो खालिबोल% जोहा गइ दुनायखनि आफाया बानायनाय गनैसो गिसिब। आं दुब्लियाव माइ गायनो खोथिया फुनो खाबु मोनबाया..... अब्लाबो बे थिं थिं सानदुंखौ नुनानैनो थोर थोर गिसोनाय मोनो आं न%थाव थानानैनो, आरो सानखाडे आबादारिफोरनि थैखौ दै खालामनानै आबाद मावनायनि खस्थ% आरोथ% दा गोमोन जाखानाय हायानो रानस्वाव हानि महर खालि हमायदो माखासे आबादारिफोरा। जाखांफैदो बिसोरनाव खालि दाहा गोनां रावफोरल% सोरां नाय लोगो लोगो गिदिंथिं बायदो गावसोरनि आबाद फोथारावनो गाबा मोखाडै:.... खोरं बिलाडफोरावबो नुजासो गारदो दाब दाब जायगाफोराव रानस्वाव जानाय आबादारिफोरनि खोरंफोर गोलोम बोथोरनि रादावफोराव।

लैथोसि बसुमतारी  
चिरां

## बालें सिख्ला

-सनिराम बसुमतारी

आय'अनजालि बालें सिख्ला बेरफुंजानि थानो नो बबेयाव बालें बालें बालें! नोनि जारौ दरखनाया, गलापि सादोरनि मोदाननाया फुंबिलिनि सान गोलैजो जासिनदो जारौ-मारौ हादि नांगोन रजे, मोदोमाव जिनित नांगोन, हनै नायहर दानब हान्जाया लामायाव आंग-फासं। रथ' रजे खोमसि बुहुमाव हासिडै दाथां; मोस्रोम मासेयाबो फोथायनो गोब्राब बे मुगायाव। अनसुलि गोसोजो अनोबोला, सानसुलि गोसोजो आंगो सानोबोला फोरमायलां रजे थानो बबेयाव? मावहैगोन नो मा?? अ-सानदोबोला हारिखौ बोखांनो, बिमाखौ सिबिनो नडा बे मुगाया हासिडै आवगायनायनि। दड'स'ना नो बादि हान्जासे बालें सिख्ला जॉनि लागोयाव बैसोरजो नोबो लोगो जाहैदो गालांदो बर'नि नेसोन सिनायथो इयुन जोलैफोरा।

# गुजरातआव सोलोंथाइ रहानि गाज्रि थासारि, गं 341 गुदि फरायसालियाव गंसेल' थाखो खथा दड'

गोदान दिल्ली, 22 फेब्रुवारी: गहाइ मन्थि नरेन्द्र मदिनि गावनि राइज्यो गुजरातआव सोलोंथाइ रहानि गाज्रि थासारि। सोलोंथाइ मन्थिनि फोरमायथिनि बादिब्ला बिजेपिनि खुंथाय गोहोयाव थानाय गुजरातनि सोलोंथाइ राहाया गाज्रि। मिथिनाय बादिब्ला गुरजातनि गासै गं 341 गुदि फरायसालियाव थाखो खथानि अन्जिमाया गंसेल'। बेनि अनगायैबो फरायसाफोरनि फरायसालियाव थानायनि हारबो बाडाइ। 2023 माइथायाव सोलोंथाइ रहानि सोमोन्दै फोसावनाय मोनसे रिपर्टआव गहाइ मन्थिनि गावनि राइज्योनि 25 जौखोन्दो गुदि फरायसालिनि फरायसाफोरा गुजराती राव फराययो हाया होन्नानै फोसावजादों। गुबुन फासैथिं, राइज्योनि गासै 47.20 जौखोन्दो फरायसाफोरा इंग्रजो



फराययो हाया। बे फोरमायथिया फोसावजानायनि उनावो बेरेखा दोलोफोरा खुद्रिखादों। मिथिनो मोन्नाय बादिब्ला, बिधान सभानि बाजेठ जथुमाव सोंथि सौनाय-फिन्नायाव कंग्रेसनि एमएलए किरित पेटेलआ गुजरातनि आथिखालनि सोलोंथाइ राहाखौ लानानै सोंथि सोंदोंमोन। बे सोंथिनि फिन्नायाव सोलोंथाइ मन्थि कुबेर दिन्द'र गुबुन गुबुन फोरमायथि होदोंमोन। मन्थिनि सुलुंनिफ्रायनो बे फोरमायथिखौ

मिथिनो मोन्नाय जादों। गुजरातनि गं 341 गुदि फरायसालियाव गंसेल' थाखो खथा दड'। लोगोसे थाखो खथानि थासारियाबो गाज्रि। मानोना फरायसालि लुनो हानि आंखाल। लोगोसे मिथिनो मोनबावोदि, 2023 माइथायनि डिसेम्बरसिम रिपर्टआव फोसावजानाय बादियै सोलोंथाइ बिफानाव दासिमबो 1400 निबो बांसिन मासिफोरा लादों जानानै दड'। कंग्रेसनि एमएलए किरित पेटेलआ बुडोदि,

(□ 1 बिलाइनिफ्राय)

## मिसन बसुन्धरा 2.0 नि सिडाव हानि पाट्टा ...

लादों। बेनिनो जनाइ बियाबयाव गां 13 रोजा 347 पाट्टा गथायनाय जादों। मख'नो गोनांदि, राइज्यो सरकारआ धेमाजि जिल्लायाव मिसन बसुन्धरा बिथांखिनि सिडाव गां 1 लाख 7 रोजा 344 आर'ज हांखायनायखौ मोन्नो हादोंमोन। गुबुन फारसे, राइज्योनि गेजेराव बांसिनथारै सा 38 रोजा 123 सुबुंफोरा प्रिमियाम गथायनानै मिसन बसुन्धरानि सिडाव धेमाजि जिल्लायाव हानि मोन्थाय मोन्नो हादों। गोखोंथार अखा हानायखौबो नासयनानै जनाइनि चिमने चापरीनि शतिस बसुमतारि बर' गोजौसिन गेजेरारि फरायसालिनि गेलेमु फोथाराव खुंजानाय दिनेनि बे हाबाफारियाव बाहागो लाफैनाय गोबां अन्जिमानि सरसनस्त्रा सुबुंफोरनि सिगाडव गिबि मन्थि ७ शर्मांआ बुंदोंदि, थानाय बिधान सभा बिसायख'थिनि फोसावदिनाय हाबाफारियाव राइज्योनि गुबुन गुबुन जायगा दावबायनाय समाव गावो मोखासे सुबुंफोरा हानि पाट्टा गैथैखौ नोजेराव खोख्लैदोंमोन। गिबि मन्थिआ बुंदोंदि, सरकार दानो हायोब्ला सरसनस्त्रा सुबुंफोरनि हा-हुनि सोमोन्दै जेनाफोरखौ सुसंनानयनि थाखाय गाव बे समावो समायखिरा लादोंमोन आरो बे समायखिरा लानायखौ सुफुंनयनि बाहागो महैरो मिसन बसुन्धराखौ राइज्यो सरकारआ जागायजेन्दोंमोन। ७ शर्मांआ बुंदोंदि, मिसन बसुन्धरा 2.0 नि गेजेरजों थागिबि सुबुंफोरा फोलेरारि महै मोनबानाय हाखौ लानानै गावसोरनि मोन्थायखौ रेखाथि होनायनि थांखि लानाय जादोंमोन। बे हाबाफारिनि सिडाव सा 2 लाख 29 रोजा 659 सुबुं आर'ज खालामगिरिफोरनिमि 'अफार अफ सेटेलमेन्ट' फोसावनाय जादों। गिबि मन्थिआ बुंदोंदि, हारियारि बेल्ट आरो ब्लकयाव जिउखांबोनाय गोबां थागिबि सुबुंफोरा हानि मोन्थायनिफ्राय गोबाव सान नाडै जानायव थाबोनांदोंमोन। धेमाजियाव खुंजालानाय राइज्योयारि केबिनेट जथुमयाव बेनि थाखायनो बेबायदि बेल्ट आरो ब्लकयाव जिउखांबोनाय आहम, चुतिया, मराण, मटक, कच राजबंसि, गर्खा, आदिबासि बायदि सुबुंफोरनो पाट्टा गथायनायनि थांखि आजावनाय जादोंमोन। बेनिनो फिथाइ महै हादतनि उदांसि मोन्नायनि 7 जिथयनिबो बांसिन सम बारलानायनि उनाव धेमाजि जिल्लानि सा 38 रोजानिखुइबो बांसिन नख'रफोरा हानि पाट्टा मोन्नो हाबाय। सरसनस्त्रा सुबुंफोरनि हा-हुनि सोमोन्दै जेनाफोरखौ सुसंनानयनि बिथिडाव आथिखालावबो गोबां मावफुंनगों द' होन्ना मख'नानै गिबि मन्थिआ बुंदोंदि, राइज्योनि गोबां थागिबि सुबुंफोरा गावसोरनि गोनांथिनि फोरमान बिलाइ गैथैनि थाखाय पाट्टा मोन्नो हायाखैमोन। बे आयदायावो नो राइज्यो सरकारआ मिसन बसुन्धरा 3.0 आव एसटि, एससि, आदिबासि, साह हारियारि, गर्खा मराण, मटक, आहम, चुतिया हारिनि सुबुंफोरनि थाखाय मोन्थाम जोलैनि थागिरिनि फोरमानबिलाइ जमा होनायनि राहाखौ बोखारनायनि थाखाय थांखि आजावना लादों। गिबि मन्थिआ बुंदोंदि, धेमाजि जिल्लायाव हानि पाट्टा मोन्नाय सुबुंफोरनि बांसिनथार अन्जिमायानो थागिरि हारिनि सुबुं आरो मिसन बसुन्धरा 2.0 नि सिडाव पाट्टा मोन्ना 84 जौखोन्दो सुबुंफोरनो जाबाय एसटि, एससि, अबिसि आरो एमअबिसिनि सिडाव थानाय सुबुं थागिबि सुबुं। बेयो राइज्यो सरकारनि थाखाय मोनसे गेदेर जाफुंनानाय होन्ना मख'नानै गिबि मन्थिआ बुंदोंदि, जनाइ बियाबनि गोबां अन्जिमानि सुबुंफोरा आबादजों लोगोसे लोखा थानाय। बे आबादारिनि बांसिनानो पाट्टा गैथैनि थाखाय गहाइ मन्थि कृषक सन्मान निधी बिथांखिनि खाबु मोन्नो हायाखैमोन। आथिखालनि राइज्यो सरकारआ बिसायख'थिनि समाव बात्रा होनायफोरखौ सुफुंनयनि बिथिडाव गोसो गोबोंनौ नाजाबोदों होन्ना मख'नानै गिबि मन्थिआ बुंदोंदि, बिबान आजावनायनि उरनिफ्राय राइज्यो सरकारआ 1 लाख सेंग्रा-सिख्लाफोरनो सरकारि सांखियाव साखोन्-सिखोन्जों थिसन्थाय, माइक्र फाइन्सनि दहार रेहाय, अरुनदय बिथांखिखौ बांहोनाय, बांसिनथारै सुबुंफोरनो रेसन कार्ड गथायनाय, आसाम मालानि सिडाव लामाफोरखौ लुनायजों लोगोसेनो गुबुन गुबुन थांखिखौ गोखैथिजों आजावना लादों आरो बेनि जाहोनाव आथिखालाव सरसनस्त्रा सुबुंफोरनि गेजेराव फोथायनाय आरो थामोन्थायनि मोनसे गोदान थासारि सोमजिदों। गावनि बिबुंथियाव गिबि मन्थिआ रेसन कार्ड थानाय साफ्रोमबो नख'रफोरनिमि अरुनदय बिथांखिनि खाबु होनायनि थाखाय राइज्यो सरकारआ सानाय-सावरायनाय, उद्यग गायसन्नायाव हेफाजाब गोनां जानाय बायदियै सेंग्रा-सिख्लाफोरनिमि 2 लाख रंनि रंखांथि धोन गथायनाय, गोजौ सोलोंथायनि थाखाय गोसो गुं फरायसुलिफोरनिमि सोलोंथाय आजावनायाव हेफाजाब गोनां जानाय बायदियै दानफ्रोमबो धोन गथायनाय बायदि राइज्यो सरकार थांखि लानायफोरनि बात्राखौ मख'दों। बिथाड लोगोसे बुंदोंदि, गहाइ मन्थि नरेन्द्र मदिनि आदर्शजों आइजो गोहोनि बन्दनजों राइज्यो सरकारआ आसामनि आइजो समाजखौ जौगाखां होनायनि बिथिडाव माखासे थांखि आजावदों। बिथाड लोगोसे फोरमायदोंदि, फेगौ बोसोराव सरकारआ जिअ टेंगि राहाखौ फिन जागायजेनगोन। जाहथे बांसिन अन्जिमानि सुबुंफोरा गहाइ मन्थि आवाज यजमानि खाबु मोन्नो हायो। आसामनि गामि ओन्सोलफोरनि जौगाखानाय आरो जौगाखां होनायनि गोदान जौथिआ जागायजेन्दों। आसामनि सोरगिदि जौगाखानायनि मोनसे सोमावसारनाया जागायजेनबाय होन्नाबे गोबि मन्थिआ मेलयाव बिबुंथि होदों। हाबाफारियाव गिबि मन्थिआ जनाइ बियाबनि सा 8 सुबुंफोरनो हाबाफारि बायदियै हानि पाट्टाखौ गथायदों। दिनेनि बे हाबाफारियाव आसाम सरकारनि मन्थि डा: रनज पेगु, एमपि प्रधान बरुवा, एमएलए धुवन पेगु, कांभि आलं अटनमास काउन्सिलनि गहाइ मावफुं सोद्रीमा तुलिराम रंहां, बर' कछारि अन्साय अटनमास काउन्सिलनि गहाइ मावफुंकिरि मिहिनेश्वर बसुमतारि, जर'खा समाज सिबियारि रुपा कामानमोनजों लोगोसे माखासे मान गोनां सुबुंफोरा बाहागो लाफेदों।□

## आसामआव थांनाय 2 बोसोराव 7,000

### कौटि रंनि जौ फान्दों

जथुमआव एमएलए अकिल गौआ सोंथि खालामनायनि फिन्नाय होनानै आबगारि बिफाननि मन्थि परिमल सुक्ल'बैद्यआ मोनसे फारिलाइआव दिन्थिदोंदि, आसामआव सोलिफु समाव गं 1,707 फरेडन लिक्चुर सप (आइएमएफएल अफ), 923 इन्डियान मेड फरेडन लिक्चुर सप (आइएमएफएल अन) आरो 374 काउन्ट्रि स्पीरिट सप (काउन्ट्रि स्पीरिट) दड'। बेफोर जौ गलाफोरनिफ्राय आइएमएफएल अफ, आइएमएफएल अन आरो काउन्ट्रि स्पीरिट बायदियै थांनाय 5 बोसोराव 16,428.51 कौटि रं खाजोना बोखादों। मन्थिआ दिन्थिनाय रिपर्ट बायदियै आसामआव 2019-20 रंखांथि बोसोराव जौ फान्नायजों गासै 2,606.88 कौटि रं खाजोना बुधुमदों, 2020-21 रंखांथि बोसोराव 2,977.61 कौटि रं, 2021-22 रंखांथि बोसोराव 3,047.98 कौटि रं, 2022-23 रंखांथि बोसोराव गासै 3,980.06 कौटि रं आरो 2023-24 रंखांथि बोसोराव गासै 3,816.18 कौटि रंनि जौ फान्दों। बेबायदिनो थांनाय 2 बोसोर समनि गेजेराव राइज्योआव 7,796 कौटि रंनि जौ फान्दों होनानै रं बाउजा जथुमआव फोरमायथिदों आसामनि आबगारि बिफाननि मन्थि परिमल सुक्ल'बैद्यआ।□

# जम्मु-काश्मिरआव गिखंथाव बरफ गिसिखानाय जाथायाव सासे गुबुन हादतआरि दावबायगिरिनि जिउ खहा

गोदान दिल्ली, 22 फेब्रुवारी: जम्मु-काश्मिरनि गुलामगंआव दिने गिखंथाव बरफ गिसिखानाय जाथाय सोमजियो। बे बरफ गिसिखानाय जाथाय सासे गुबुन हादतआरि दावबायगिरिनि जिउ गोमानायजों लोगोसे गुबुन सासे दावबायगिरिया गोमानानै दड' होनानै

मिथिनो मोन्नाय जादों। सुलुडव फोरमायनाय बादिब्ला, ओन्सोलनि थागिरिनि हेफाजाब लाया लासिनो गुबुन हादतआरि दावबायगिरिफोरा स्कि खालामनायनि थांखि थादोंमोन। बे समावो बरफ गिसिखानायनि जाउनाव माखासे

स्कि खालामग्राफोरा बरफजों फबसिनजानो गोनां जायो। जाथायनि उनाव जम्मु-काश्मिर खुंथायनि रैनाया आरो पेट्रॉल हान्जाया नागिरनाय हाबाफारिखौ जागायजेनो। नागिरनाय हान्जाया गासै साबा स्कि खालामग्राफोरो

बोखानानै ओन्सोलनि देहा फाहामसालिसिम दैथाय हरो। काश्मिरव थानाय सानथामनिफ्राय रोजा बरफगोपलैनायखौ जुनो मोन्दों। बे थासारियाव हाजोआरि ओन्सोलफोव बरफ गिसिखानायनि जाथवनाफोरो बोंदों।□

## तालिबाननि अनागारि हाबानि थाखाय रोजा रोजा सुबुंफोरनि सिगाडव गिखंथाव महै सा 2 सुबुंनि जिउ ख'हा

गजनी, 22 फेब्रुवारी: तालिबानआ मोनसे हंगो दोंगो स्कुवेराव सा 2 सुबुंफोरखौ बेबादि गिखंथाव जिउ गोमाहोदों, जाय नोंथानि होसोखोंबो गिहोगोन। सरसनस्त्रा सुबुंफोरनि सिगाडव तालिबानआ सानेबो सुबुंफोरखौ गावथारदों। बेखौ नुनानै बयनिबो सिडाव गिनाय सोमजिदों। तालिबानआ खोला-सान्जा आफगानिस्ताननि मोनसे स्टेडियामाव बे गिखंथाव थैनायनि जाथायखौ खालामदों। बृहस्पतिबाराव जाय रोखोमै सानै सुबुंफोरखौ राइज्योआरि महै फासि होनाय जादोंमोन, बेयो आफगानिस्तानाव मोनसे सोमावसारनाय सोमजिहोदों। एससिएटेड प्रेसनि सासे खौरंगिरिजों लोगोसे रोजा रोजा सुबुंफोरनि नुजाथिनायाव गजनी सहरनि आली लाला ओनसोलाव सानै सुबुंखौ गावथारनाय जादोंमोन। तालिबानआ सानै हाबाफोरनि अजद होजानाय दाय आरो बिसोरनि बागै जेबो गुवारै फोरमायनो राजि जायाखैमोन। ओनसोलारि खौरां बिजोड फोरमायदोंदि, गोबां

बिजिरसालिफोर आरो तालिबाननि गोजौसिन दैदेनगिरि हिबतुल्ला अबुदजादाया सानै सुबुंखौ अजद होनाय दायफोरनि थाखाय फासि होनो बिथोन होदों। बेयाव फासि होनाय जायगानि बायजोआव सुबुंफोरनि हंगो-दोंगो ज' जादोंमोन आरो सुबुंफोरा सिडाव थानो गोसो गैथै जानो हमदोंमोन। बेनि अनगायैबो धोरोमारि फरायसगिरिफोरा बुथरजानायफोरनि खुरमा-बाहागिफोरखौ दायनिगिरिफोरखौ निमाहा होनो खवलयादोंमोन, नाथाय बिसोरो नेवसिगादों। सानजौफुनि 1 रिगासोआव सासे सुबुंखौ खेब 8 गुलि गावनाय जादों आरो गुबुन सासेखो खेब 7 गुलि गावदोंमोन। बेनि उनाव एम्बुलेन्सआ सानेबो सुबुंनि गोथै सह'खौ लादों। 2021 माइथायाव आफगानिस्तानाव तालिबानआ गोहोखौ आवग्रिनायनि उनाव बेयो ब्रैथि जाथाय जेराव दायनिगिरिफोरखौ मानसिफोरनि सिगाडव फासि होनाय जादों।□

(□ 1 बिलाइनिफ्राय)

## बैसागु फोर्बोनि सिगां आसामआव लकसभा बिसायख'थि खुंनो ...

बिसायख'थिनि बैसागु फोर्बोनि सिगां-सिगां खुंनो थाखाय थांखि दैखादों। आसाम सरकारआ बैसागुनि सिगां लकसभा बिसायख'थिखौ खुंनोगौनि थाखाय हादतनि बिसायख'थिनि आयगनिसिम थांखिलाइ गथायदों। राइज्यो सरकारआ आसामआव मोननै खोलोभाव बिसायख'थि खुंनो बिसायख'थि आयगखौ खवलयादों। आसाम सरकारनि थांखि बायदिब्ला, 5 आरो 10 एप्रिलखालि मोननै खोलोभाव लकसभा बिसायख'थि खुंनो बिसायख'थि आयगनिसिम थांखि दैखादों। बेराफासै भारत बिसायख'थि आयगआ 12 मार्चखालि बिसायख'थिनि थाखाय फोसावथाय फोसावो हागो।□

## कक्राझारनि ग्रिन फिल्डआव खुंजानो गोनां ब्रह्म धोरोमनि ...

एंगारनो हायै जाहोननि थाखाय 24 फेब्रुवारीखालि बे हाबाफारियाव बाहागो लाफैनो हानाय नडै-खौ दिने फोरमायहरो। बेराफासै खुंफुं आफादा बे महा यज्ञआव गहाइ आलासि महै गिबि मन्थिखौनो मोन्नो हास्थयनाय हिसाबै 24 फेब्रुवारीखालि खुंनो लानाय महा यज्ञखौ फावसयनानै गिबि मन्थिआ सोलाबनाय बायदियै 29 फेब्रुवारीआव खुंफिन्नो थाखाय सावरायज्जलायनायनि गेजेरजों खुंफुं आफादआ थांखि लायो। बेनिखायनो ७ अजित बर'आ खुंफुं आफादिनि जानानै साफ्रोमबो राइजो-राजाफोरनिमि दुखुजों फोरमायहरनानै हाबाफारिखौ फावसयनायनि थाखाय निमाहा बियो आरो 29 फेब्रुवारीखालि खुंफिन्नो लानाय मुलुग गोजोननि महा यज्ञ हाबाफारियाव एखे थावनियावो बाहागो लाफैनो थाखाय गुरैयै खवलयावहरो।□

## सम्पतिनि मासुल होयाब्ला दै लौनायखौ बन्द खालामगोन...

सम्पतिनि मासुल होयैनि थाखाय दासान्दि सा 50 निबो बांसिन सुबुंफोरनि हेंथायै सामन फोसावदों। सम्पति खाजोनाजों हलिंड नम्बरखौ फोनांजाबाल्ला मोब्लिब फोनांजाबखौ दाननायनि थांखि लानायनि उनाव बे खेबाव फिन सुबुं खुंथायारि थांखि लानाय मेयर मृगेन शरनियाखौ आपनि बुंथिगिरि अनुरुपा डेका रजाआ सोंथि सोंदों- सरसनस्त्रा नोगोरारिनि लोंगा दै बन्द खालामनो नागिरनाय मेयर मृगेन शरनियाआ से घन्टानि थाखाय दै लोड लासेनो थानो हागोन न? खौरंगिरि मेलाव आपनि दैदेनगिरिआ नोगोरामनि फ्रॉमबो नख'रनि थाखाय थाबेनो दै बर्डआ गोगो लोंगा दै जगायनायखौ रोखा खालामनायजों लोगोसे मेयर मृगेन शरनियानि सुबुंथि गैथै आरो जारखुंथायारि खांथिखौ बोखारनागौनि दाबि दैखादों।□

## लकसभा बिसायख'थिखौ लानानै आपआ शनितपुर ...

तेजपुरआव दोलोनि मावखुलिखौ बेखेवनानै होनायजों लोगोसे खौरंगिरि मेलाव आम आदमि पार्टिनि बिसायख'थि पस्टरखौ बेखेवनानै होयो। दोलोनि आफादगिरि अरबिन्द केजरिवालनि सावगारि गोनां पस्टरखौ बेखेवनानै दोलोनि दैदेनगिरि राजेश शर्माआ बेरेखा दोलोफोरा सरसनस्त्रा बिजाथि फसंनानयनिगेजेरजों बिजेपिखौ फेजेन्नो थाखाय खवलयायो। गुवाहाटी लकसभा बियाबाव डा: भबेन चौधुरी, शनितपुरआव ऋषिपराज कौन्दिन्य आरो डिबूगडुआव मनज धानवारनि गोखों हेफाजाब दड' होनानै दैदेनगिरिआ दाबि खालामो। दिने शनितपुरनि लकसभा बियाबनि सिडाव थानाय मोन 9 बिधान सभा बियाब आरो मोन 176 गामि पन्चायतआव दोलोनि मावखुलि बेखेवनाय जायो। बेनि अनगायैबो फेगौ 1 मार्चनिफ्राय दोलोया 'आसामआवबो केजरिवाल' आयदानि मोनसे हाबाफारि जागोयजेनगोन होनानै खौरां बिजोनि सिगाडव फोरमायो। खौरंगिरि मेलाव आपनि दैदेनगिरिआ बुडोदि, बिजेपिनि गाज्रि खुंथायनिफ्राय हादतआरिफोरखौ बेखानायनि सार्थआव दाफुंजानाय इण्डिया जुथाय हान्जानि आम आदमि पार्टिआ गोहो गोर बाहागो। आम आदमि पार्टिनि थांखिया जुथायै बिजेपिखौ फेजेनाय। बेनि थाखायनो आसामाव दोलोआ मोनथाम बियाबाव बिजाथि फसंनानयजों लोगोसे लुन मोन 11 बियाबखौ कंग्रेस आरो गुबुन बेरेखा दोलोनो हगारनानै होदों। खौरंगिरि मेलाव दोलोनि शनितपुरनि बिजाथि ऋषिपराज कौन्दिन्यआबो बाहागो लायो।□

## गागि नोगोरारिफोरनि राइज्योआरि थाखोनि जथुम्माव राइज्यो बेंगिरिआ बाहागो लादों

आसामनि राइज्यो बेंगिरि गुलाब चान्द काटारियाआ बाहागो लादों। हाबाफारियाव बाहागो लानानै राइज्यो बेंगिरिआ काटारियाआ गावनि बिबुंथियाव बुडोदि, गागि नोगोरारिफोरा मोनसे समाजनि सुंथागिरि खुन्थिया, गागि नोजोरारिफोरा समाजनि गुबुन गुबुन फोथाराव थानानै खामानि मावो आरो गोबां रंगथि आजिनानै लायो। बे हिसाबै बिथामोननि रंगथि आरो मोन्दीथिया समाज दानाय आरो जौगाहोनायाव गोनांथार जायो। गागि नोगोरारिफोरा गावसोरनि बोसोन आरो सुबुंरुनजों मोनसे समाजखौ गुबै लामाजों दैदेनलानो हायो। काटारियाआ बुंबावोदि, आथिखालनि गोबां नोगोरारिफोरा गाव-गावखौ सांग्राथि लाखिनानै गोगो आरो गुफुं देहायाव थायो। बेनिखायनो बिथामोननि गोहो आरो गोहो मेलेम आरो गियानआ जेब्लायबो गोखोडै थायो आरो बेनो दरसे हादत आरो समाजखौ जौगानायनि फासै दैदेनलाडो। बिथाड फोरमायबावोदि, 2011 माइथायनि सेन्सास बायदियै रुजुनानै नायनायाव 2021 माइथायाव गागि नोगोरारिफोरनि अन्जिमाया गोबां बांसिनदों। बेनिखायनो सोलोंथाइ, हारिमु, गेलेमु, आबाद आरो बायदि बायदि थाखोआव बाहागो खालामानै समाज जौगानायनि थाखाय गागि नोगोरारिफोरनि माखासे हान्जा दानानै लानांगो होनानै राइज्यो बेंगिरिआ बोसोन होयो। बिथाड बुंबावोदि, गागि नोगोरारिफोरा साखिनिफ्राय आजिरा लादों जानो हागो, नाथाय बिथामोनहा सुबुंथि आरो समाजनि थाखाय गावनि खामानि मावनायनिफ्राय माब्लाबाबो आजिरा लानो नाड। लोगोसे आथिखालनि साफ्रोमबो गागि नोगोरारिफोरखौ थांखिनानै राइज्यो बेंगिरिआ समाजनि जौगानाय, फोसाबनाय आरो माहारि दानायाव गावसोरखौ नांथाबो थाखाय खवलयायो। दिनेनि बे हाबाफारियाव आसाम सरकारनि केबिनेट मन्थि रनजित कुमार दास, नागालेन्ड मुलुग सोलोंसालिनि सेन्नेलर ७ समुद्र गुप्ता काश्यप, आसाम सरकारनि कमिसनार आरो सेक्रेटारि भिरेन्द्र मिट्टालमोनजों लोगोसे गुबुन गोबां गोजौ थाखोनि दैदेनगिरि आरो गोबां गागि नोगोरारिफोरा बाहागो लादोंमोन।□

## असमीया रावखौ गोरोनथियै सेबखाना लाजिफोनांदों माहारियारि राजा लामाया

सोमजिदों। माहारियारि राजालामा आफाद (एनएडिए) बायदि भारत सरकारनि मोनसे गोनांथार आफादिनि गेजेरजों आसामआवो असमीया रावखौ गोरोनथियै लिस्नाय एबा सेबखानाय आयदाखौ लानानै आथिखालाव गुबुन गुबुन समायारि बिजोडव गोबां सावरायजदों। आसामनि गुबुन गुबुन जिल्लाजों लोगोसे चिरं जिल्लानि सिदली-सुन्दरीनि 27 नं. माहारियारि राजा लामायाव गोदान गायसन्नाय मुं फोसावथाय-साइन बर्डयाव असमीया रावखौ गोरोनथियै लिस्नाय जादों। आसामावो बेबायदि असमीया रावआव लाजिफोनांनयखौ नुनानै जायगानि दोलो-आफादजों लोगोसे सांग्रां सुबुंफोरनि गेजेराव गोखों फिनजाथाय सोमजिदों। माहारियारि राजा लामा आफादआ असमीया रावखौ बेबायदि लाजिफोनांनयखौ गोरलैयै गनायनानै लानो हायाखै राइजो-राजा आरो दोलो आफादफोरा। बे गासै जाथायनि सोमोन्दै फिनजाथाय फोरमायदों आसाम साहित्य सभानि चिरं जिल्ला आफादिनि गहाइ नेहाथारि देवान गाजि मस्तापाया। बिथाड बुंदोंदि, जौनि आसामआवो माहारियारि राजा लामा आफादआ मुं फोसावथाय एबा साइन बर्डआव असमीया रावआव गोरोनथियै सेबखानायखौ जौहा नोजेराव गोरलैदों। बे जाथायखौ गोखों रावजों सांखारिनानै आरोबाव असमीया रावखौ सिलिंखार खालामनायनि मोनसे गनायजायै खैसार सादों होन्ना फोरमायो। आसामआव असमीया रावखौ बेबायदि लाजिफोनांनय जाथायखौ आसाम साहित्य सभाया माब्लाबाबो सहया। माहारियारि राजा लामा आफादआ बे बिथिडाव जेब्ला मावफुंजानाय बायदियै जेबो राना आजावयाब्ला आसाम साहित्य सभानि चिरं जिल्ला आफादआ आखाइ मुथिनानै जिरायनाय थाखाय नड होनानैबो बिथाड फोरमायदों। लोगोसेनो गोनांथियाव माहारियारि राजा लामा आफादिनि हेंथा सोमावसारनाय हाबाफारि लानायनि हुमखि होयो।□

## गान्धीवारिआव बाला हाजों माथावरि लुनायनि गोखों अजद दैखादों राइजो-राजाफोरा

बिथांखिनि सिडाव मोनसे माथावरि लुनायनि गोनांथि होदोंमोन। नाथाय बे माथावरि लुनाय खामानिया जागायजेनायावो बेले-बेजे सोमजिनानयनि अजद दैखादों राइजो-राजाफोरा। अजद दैखानाय बादिब्ला, सरकारनि मिजिथिजाथाव बिथांखिनि सिडाव बे माथावरि लुनाय खामानिया गनायथि मोन्दोब्लाबो बाला हाजों माथावरि लुनायनि खामानिया सोलिगासिनो दं। बे जाथायनि सोमोन्दै माथावरि लुनायनि बिबानाव थानाय बिफानारि थिकादारनि मावफारियाखौ ओन्सोलनि राइजो-राजाफोरा बाला हाजों माथावरि लुनाय खामानिखौ बन्द खालामनो खवलयायनाय बिसोरखौ बायदि-बायदि हुमखि होदों होनानैबो राइजो-राजाफोरा अजद दैखाडो। राइजो-राजाफोरा माथावरि लुनायाव बाला हानि सोलायै मोजं हाजों माथावरि लुनो दाबिनायजों लोगोसे बाला हाजों माथावरि लुनाय खामानिखौ मावफुडैब्ला माथावरि लुनाय खामानिखौ बन्द खालामनोबो हुमखि होयो ओन्सोलनि राइजो-राजाफोरा।□

## अरुणाचल प्रदेशनि माहारियारि खौसेथि दावबायनाय हान्जानि फरायसाफोरजों राइज्यो...

हाबाफारि जागायनायनि थाखाय फरायसाफोरनिमि साबायख'र जासियो। लोगोसे हादत आरो माहारि खौसेथिनि थाखाय बेबायदि हाबाफारि लानाया गोनांथार होनानै बेबायदि हाबाफारियाव लाइमोनफोरखौ बाहागो लानो थाखाय खवलयायो। गावनि बिबुंथियाव बिथाड बुडोदि, दावबायनायजों मोनसे गोदान रंगथि मोन्नो हायो। जेब्ला जों गोदान जायगाफोराव दावबायहैयो अब्ला बै जायगानि थासारि, आबहावा आरो गुबुन गुबुन आयदाफोरखौ नुनायजों लोगोसे मिबथिनो मोनो। दावबायनायजों जों समाजआरि थासारिखौ मिबथिनो मोनो। अदेबानि दावबायनायजों जौनि गियानखौ बांहोनो आरो आरजिनानै लानो हायो। राइज्यो बेंगिरिआ साफ्रोमबो लाइमोनफोरखौनो गोब्राब खामानि मावोनो, गोहो गोर जानो, गावनि आथिडाव गसंथानो हानाय बायदियै सुबुं सम्पद दानानै लानो आरो आबुथिजों सोलिनो थाखाय खवलयायो। बेजों लोगोसेनो गावनि थांखा थानाय आरो गियान बुधुमनायनि थाखाय गेदेमा लिगिरिफोरनि लिस्नाय बिजाबफोरखौ फरायनो थाखाय खवलयायो। मख'नाय जायोदि, माहारि खौसेथि दावबायनायखौ अरुणाचल प्रदेशनिफ्राय ग्थि बेटेलियन माद्रास रिजिमेन्टआ बान्जायदों। जेराव सा 22 फरायसाफोरा बे दावबायनाय हान्जायाव दड'।□

# पेपराजीनि जंरवायनायाव हिन्जाव गोदान रकुल प्रीत सिंहआ लाजिरवांदो

फावखुंग्रि रकुल प्रीत सिंह आरो जेकी भागनानीया बलिउडनि मेरिड कापोलनि क्लाबआव थाफाबाय। थांनाय 21 फेब्रुवारीखालि सावथुन दिहुनगिरि जेकी भागनानी आरो फावखुंग्रि रकुल प्रीत सिंहआ जुलिनि दौलें आव खायो। बिसोरो गवायाव समायना हाबाफारिनि गेजेरजों जुलि लायो। बिसोरनि जुलिनि हाबाफारिया 19 फेब्रुवारीनिफ्राय जागायदोंमोन। जुलिनि उनाव समायना कापोलनि माखासे सावगारिफोरा इन्टरनेटआव



भाइरेल जादों, जायखौ अन्साइगिरिफोरा गोबां अन्नाय होदों। फारसेथिं बे समावोनो रकुल आरो जेकीनि मोनसे भिडिअआबो भाइरेल जादों, जेराव बयनिबो गेजेरावोनो

जेब्ला यारियांनि फावखुंग्रि, हिन्जाव गोदान रकुल आरो हौवा गोदान जेकी भागनानीया मिडियानि केमेरनि थाखाय पस्ट होबाय थादोंमोन अब्लानो पेपराजीया रकुलखौ भाभी होन्ना गाबजियो। इन्स्टेन्ट बलिउडआ गावनि मावख'यारि इन्स्टाग्राम एकाउन्टआव मोनसे भिडिअ पस्ट खालामदों, जेराव पेपराजीया फावखुंग्रि बाजै होन्ना गाबजिनाय लोगो लोगोनो बियो लाजिरवायजों मोखाडा जारौ जायो। जुलिनि हाबाफारिया जोबनायनि उनाव रकुल प्रीत सिंह आरो जेकी भागनानीया पेपराजीनि सिगाडव गोबां पस्ट होदों। बे समाव रकुल प्रीत सिंहखौ पेस्टल शेडस कालारनि लेहेंगाजों जोबोद समायना नुदोंमोन।

मिडियाआ जुलि जागोदान ज'रानो गोबां अन्नाय आरो हामब्लाइथि हरदों। सासे इउजारआ कमेन्टआव बिसोर सानैजों जोबोद अन्थाव थाव नुदों, सानैनोबो जुलिनि गोबां हामब्लाइथि बाउहरबाय। बे ज'रया रवनिबो नोजोर दानांथों होन्ना लिरदों। गुबुन सासे इउजारआ बुंदों, जोबोद समायना आरो एलिगेन्ट कापोल, इशोर नोंसोर सानैखौ जेब्लायबो गोजोनै लाखिथों। फारसेथिं गुबुन सासे इउजार बुंदों, अ माइ गड, रकुल प्रीत सिंहखौ गोबां समायना नुदों। मख'जाथावदि, रकुल प्रीत सिंह आरो जेकी भागनानीया 2021 आव गावसोरनि सोमोन्डोखौ अफिशियेली महर होदोंमोन।

## साहिद-कृतिनि तेरी बातों में उलझा जिया सावथुननि आरजिनाया हरखाब दावख्लायदों



साहिद कापुर आरो कृति सेननि सावथुनआ सिनेमा हलआव रिलिज जानाया बारा गोबाव सम जायाखै। नाथाय बे सावथुननि थासारिया सानफा-एफा नख'रनि बक्स अफिसआव जेंना गोनां जाबोदों। साहिद-कृतिनि सावथुन 'तेरी बातों में उलझा जिया' या भेलेन्टान डे खालि रिलिज जादोंमोन। बे सावथुननि अपेनिंआ जोबोद मोजां जादोंमोन। नाथाय बक्स अफिसआव बे रबटिक ड्रामा लाभ स्ट'रिनि गेमआ एसेबां थाब सोलायागोनखौ मेकार्सफोर हसानाखैमोन जानांगौ। नाथाय सावथुनआ मोजां रोखोंमै दिन्थिफुनो हायाखै। मंगलबारनि उनाव बुधबारखालि नख'रारि बक्स अफिसआव बे सावथुननि आरजिनाया दावख्लायबावो। सानफा-एफा बे सावथुननि आरजिनाया बाडइ जालांनो हमदों। मंगलबारखालि साहिद आरो कृतिनि सावथुन तेरी बातों में उलझा जियाआ नख'रारि बक्स अफिसआव 2.25 कौटिसिम फालांगि खालामदोंमोन। नाथाय वार्कि डे बुधबारखालि बे सावथुनआ बक्स अफिसआव रं आरजिनायाव लेहेम जायो। सेकनलकनि रिपर्टनि बायदिब्ला बुधबारखालि बे सावथुनआ टियेटारआव गोबां नायगिरिफोरखौ गोसो बोने हायाखै। बे सानआव सावथुना 1.83 कौटि फालांगि खालामनो हायो। बुधबारखालि बक्स अफिसआव तेरी बातों में उलझा जिया सावथुना 1.83 कौटि रं आरजिनायानि गेजेराव इन्डिया नेट कालेक्शनआ 64.28 कौटि रं आरो इन्डिया ग्रस कालेक्शनआ 75 कौटि रं जायो। मख'जाथावदि, बे सावथुना सिनेमा हलआव गासै 13 सान जाबाय आरो सावथुना नख'रारि बक्स अफिसआव गासै 64.28 कौटि रं हाबाय।

## कंगना रनौतआ टिकल खान्जानि सायाव गोख्रों रावजों गाग्लोबदों

कंगना रनौतआ बलिउडनि सासे साहज गोनां फावखुंग्रि, जाय गावनि बाश्राफोरखौ बुंधिनायाव एसेबो उनफिन्ना थाया। बिनि बाश्रा बुंनयाफोर रावखौबो गिनाय गैयै आरो रवनिबो गेजेन नडै गोख्रों। फावखुंग्रिया जायखि जाया आयदानि सायावोनो गावनि राय होनोबो उन जानां थाया। तेजस सावथुननि फावखुंग्रि कंगना रनौतआ बलिउडनि बै फावखुंग्रि जाय नेपटिन्मनि आयदाखौ बयनिखुइबो सिगां हाइलाइट खालामदोंमोन। आनान्या पान्डेनिफ्राय लानानै आलिया भाट्टिसिम आरो बेनि उनाव बावैसो सिगां कंगना रनौतआ अक्षय कुमारनि बिसि टिकल खान्जाखौ थांखिनानै मोनसे गोलाव पस्ट शेयार खालामदों। कंगनाया आगुनि फावखुंग्रि आरो लिरगिरि टिकल खान्जानि हौवाफोरखौ प्लास्टिक बेगजों रुजुना बाश्रा बुंनयायनि सायाव रगा जौनाय फोरमायदों। बाश्राया जादों मोनसे गोजाम इन्टरभइआव टिकल खान्जा



गावखौ फेमिनिस्ट होन्ना बुंदोंमोनदि, बिनि बिमा डिम्पल कपाडियाआ आइजोफोरनो हौवाफोरनि गोनांथि जाया होन्ना फोरदोंमोन। टिकल खान्जानि बे फिन्नायखौ लानानैनो बलिउड कुडन कंगना रनौतआ गोख्रों फिन्नाय होदों। बियो टिकलनि मोनसे भाइरेल क्लिप शेयार खालामनानै गावनि इन्स्टा स्ट'रियाव मोनसे गोलाव केशन लिरना होदों। कंगनाया टिकल खान्जानि फिन्नाय होनायनि उनाव औरैबायदि रगा जौनांनै फिन्नाय होदों, जेराव फिन खनसेबाव फावखुंग्रिया नेपटिन्मनि आयदाखौ देखादों। कंगनाया गावनि बे पस्टआव बुंदोंदि, नेपकिटसआ रुपानि

सामसजों लोगोसे जोनोम जायो। जायहा बिनि फिल्म केरियारखौ सनानि थोरसियाव साजायखानाय मोनो। बेयो सिनायथि जानाय महरै बेजोंबो न्याय एबा बिजिरनाय खालामनो हाया। बियो हागोमानि जायखौ मावनो हायो बेयो जादों मडुयारआव सेल्फिस जायालासे रंजाखुसियै थानाय। नाथाय बिनि केसआव बेखौबो साव होनाय बायदि मोन्दांथियो। थारैनो बिंसोरो मा खालामनो सान्दों, मैंग'फोर ! बेखौ बिसोरो फेमिनिज्म होन्ना बुडो। कंगना रनौतआ बेनि सिगां रणबिर कापुरनिफ्राय लानानै करण जौहरजों लोगोसे माखासे स्टारफोरनि सायावबो गोख्रों रावजों थांखिखांबाय।

## करिना कापुरआ गावनि मोनसे ड्रेसनि थारवाय नेटिजेनफोरनि नोजोराव गोख्रौदों


बलिउडनि मुंदांखा दितागिरि करण जहरआ गावनि फैनो गोनां सावथुनखौ फोसावबाय। करण जहरआ गावनि सावथुनफोर जैरै कभी खुशी कभी गम सावथुन आरो कुछ कुछ होता है सावथुन बायदि नख'रारि सावथुन आरो मोजां मोनलायनाय सल'फोरनि गेजेरजों बयखौबो रंजा होबोगासिनो दड। बिथाड बावैसो गावनि फैनौ सावथुनखौ फोसावदों आरो बे सावथुननि संस्कारी बिमुंखौबो बेखेवदों। भरुन धावनआ करण जहरजों लोगोसे स्टुडेन्ट अफ दा इयार सावथुन आरो कं क सावथुनफोरव खामानि मावनयनि उनाव दा आरोबाव धावनजों लोगोसे सोर फावखुंग्रिखौ गाहाइ फावआव नुनो मोनगोन आरो सावथुनआ माबे अक्ट'आव रिलीज जागोन बेफोर बाश्राफोरखौबो बानायगिरिफोरा फोरमायनांनै होबाय। करण जहरनि फैनो गोनां सावथुननि मुड जोबोद आलादा। बिथाड बावैसो धर्मा प्रडाक्सननि मावख'यारि एक्स एकाउन्टआव गावनि फैनो गोनां सावथुनखौ फोरमायनांनै होदों। बिथांनि हाम्प्टी शर्मा की दुल्हनिया सावथुन आरो बन्नीनाथ की दुल्हनिया सावथुननि उनाव सनी संस्कारीनि सल'खौ सावथुन फेसालियाव लाबोनो थांगासिनो। करण जहरनि फैनो गोनां सावथुननि बिमुंआ सनी



संस्कारी की तुलसी कुमारि जागोन। बे सावथुनआव भरुन धावनखौ सनी संस्कारीनि फावआव नुनो मोन्नाय जागोन। बानायगिरिफोरा सावथुननि बिमुंखौ शेयार खालामनायजों लोगोसे गावनि कुमारिखौ लांनो थाखाय संस्कारीआ फैगासिनो दड। बे मोजां मोनलायनायनि सल'आ नोंथांमोनखौ रंजाहोनो थाखाय थाबैनो फेसालियाव फेगासिनो दड होन्ना केप्सनाय लिरहरदों। करण जहरजों दिहुनजानो गोनां बे सावथुनआव जाह्नभी कापुरआ भरुण धावनजों लोगोसे फिन गाहाइ फाव खालामगोन, जाह्नभी कापुरआ बे सावथुनआव तुलसी कुमारीनि फाव खालामगोन।

## करण जहरनि फैनो गोनां सावथुनआव भरुन धावन आरो जाह्नभी कापुरखौ गाहाइ फावआव नुनो मोनगोन

करिना कापुरआ हिन्दी सावथुननि साबसिन फावखुंग्रिफोरनि गेजेराव सासे। करिनाया गावनि स्टाइलिश नुथायनि थाखाय सानफ्रोमबो लाइमलाइटआव थायो। नाथाय आधिखालाव ससेल मिडियाआव बिथांखौ गोदानसिन सावगारिफोराव मोनसे ड्रेस गान्नायखौ नुनो मोन्दों। करिना कापुरनि बे ड्रेसखौ बिग बस 17 आव बाहागो लानाय अंकिता लखन्डेनि ड्रेसजों रुजुनाय जादों, जायनि जाहोनाव बलिउडनि फावखुंग्रि करिना कापुरआ टूल खालामजागासिनो दड। बावैसो करिना कापुरआ गावनि मावख'यारि इन्स्टाग्राम हेन्डलआव माखासे गोदानसिन सावगारिफोर शेयार खालामदों। बे सावगारिफोराव बिथांखौ गोथां गावनि गाउनआव नुनो मोन्नाय जादों। बे सावगारिफोराव फावखुंग्रिखौ सोमोनांथाव आरो



## माहाम देहानि राहा

### 50 बोसोर बैसोआवबो गावखौ फिट लाखिनो लुबैयोब्ला बे मोन 5 बेसादफोरखौ जाग्रा आदाराव सोफादेरनो हागौ

आधिखालाव सुबुंफोरा फिटनेसनि बागै जोबोद सांघां जानो हमदों। आधिखालाव सोरनिबा महर आरो नुथायखौ नायनांनै बिसोरनि बैसोखौ मिथिनो गोब्राव जाबाय। गुबैयै बलिउडनि फावखुंग्रिफोरा बे आयदायाव बयखौबो फेजेनगासिनो दं। मलाइका आरडानिफ्राय लानानै माधुरी दीक्षितसिम गोबां फावखुंग्रिफोर दं, जाय 50 बोसोर बैसोआवबो फिट आरो लाइमोन नुयो। बेनि गिदिर आन्दोयाव बिसोरनि आदार, जिउ खुंनया आरो फिटनेसनि नेमखांथि दं। जुदि



हायो। दावदैयाव एमिन' एंसिड थायो, जाय नोंथांनि रोदाखौ मोजाडै लाखिनायाव मदत खालामो।

3. **बादाम आरो अखरट**- बादाम आरो अखरटखौ बैसो जानाय समाव जाग्रा आदाराव सोफानांगोन। बादाम जानानै देहायाव भिटांमिन- इ मोनो, जाय नोंथांनि बिगुर आरो खानाइखौ मोजाडै लाखियो। एखे समावोनो अखरट जानाया अमेगा-3 फेटी एंसिड होयो



नोंथाडबो गावखौ 50 बोसोरसिम लाइमोन लाखिनो लुबैयो अब्ला जानाय-लॉनायाव माखासे जुनिया युवा-बेसादफोरखौ सोफादेरनांगौ। जुदि नोंथाड बेबादि आदार लायो अब्ला 50 एबा 60 बोसोरावबो नोंथांनि मोखाडव बैसोनि रेगा नुनो मोननाय नड। जुदि नोंथाड 50 बोसोराव गावखौ फिट लाखिनो लुबैयो, अब्ला गाहायाव होनाय जाग्रा आदारफोरखौ जानांगौ।

1. **फिथाइ-सामथाइ आरो गोथां मैंग**- जुदि नोंथाड 50 बोसोराव गावखौ गोगो सावसि आरो लाइमोन लाखिनो लुबैयो अब्ला बोथोरारि



फिथाइ-सामथाइ आरो मैंग-थाइंग'फोरखौ जाफानांगौ। गोथां बिलाइ गोनां मैंग-थाइंग जायोब्ला देहायाव खम केल'रि आरो गोबां भिटांमिन मोनो। मैंग-थाइंग आरो फिथाइ-सामथाइफोरव भिटांमिन सि, बि6, फाइबार, एन्टी-अक्सिडेन्ट आरो पेटेशियाम, मेग्नीशियाम थायो। जाय नोंथांखौ गाहामै लाखिनायाव मदद होयो।

2. **दावदै**- बैसो बांनयाजों लोगोसे देहायाव बांसिन प्रटिननि गोनांथि जायो। बे बेलायाव नोंथाड सानफ्रोमबो 1-2 दावदै जानांगोन। दावदैया प्रटिननि मोनसे मोजां फुंखा। दावदै जायोब्ला देहायाव भिटांमिन-डिन आंखाल आरो कलीननि आंखालखौ आबुं खालामनो



जाय डाइबिटीस, बिखा आरो गोजौ थै नारसिनथायनि जेंनाखौ सामलायो।

4. **आबुं माइर (सावत अनाज)** - बैसो जानाय समाव, गोब्रा माइर थामहिन्ना आबुं माइरफोरखौ आदाराव सोफानांगोन। बाजरा (मटा अनाज) आ फाइबारनि मोनसे मोजां फुंखा। जाय लिरथायखौ सामलायनायाव मदत खालामो। बेयो गोजौ कलेस्ट्रलनि जेंनाखौ बाडइ खालामनो हागौ। आबुं माइरखौबो उदैनि



डाइजेसननि थाखाय मोजां होन्ना मानिनाय जायो।

5. **गाइखेर**- 50 बोसोर बैसोआव बेगंफोरा लोरबां जानो हमो। बेबादि थासारियाव केल्सियामजों बुंफबनाय आदार जानाया गोनांथार। जाग्रा आदाराव सानफ्रोमबो 1 खुरै दही (गाइखेर दाखा) जाफानांगौ। बियो उदैयाव मोजां बेक्टेरियाखौ बांहोयो। हजम जानायखौ गोख्रों खालामनो आरो केल्सियामनि आंखालखौ आबुं खालामनो थाखाय दही (गाइखेर दाखा) खौ जानांगौ।

## अनुराग डभालआ बिग बस 17 नि देरहागिरि मुनाभर फारुकीखौ सोंखारिदों

बिग बस 17 आ जोब्याय, नाथाय श्वआव जागायजेन्नाय एना-एनिआ दासिमबो जोबनायनि मुं लायाखै। श्वनि देरहागिरि मुनाभर फारुकीहा श्वआव गोबां बादायगिरिफोरजों गोरुबलायै दडमोन, नाथाय उनाव बिथाड बयजोंबो गावनि सोमोन्डोखौ थि खालामदों। बवेखानि अनुराग डभालजों बिथाड दासिमबो सुधुंरैनो दड। बिग बस 17 जोबनायनि माखासे सप्ताहनि उनाव अनुराग डभालआ मुनाभर फारुकीनि सायाव गोख्रों सोंखारिदों। बिग बस 17 नि



जागायजेन्नायनिफ्रायनो अनुराग डभाल आरो मुनाभर फारुकीनि गेजेराव गोरुबलायै दडमोन। श्वनिफ्राय बाइजोआव थांनयनि उनावबो अनुराग डभालआ गोबां खेब राइजो-राजानि सिगाडव मुनाभर फारुकीनि सोमोन्दे बिबुंथि होदोंमोन। बिथाड बिग

बस 17 खौबो बायास होन्ना बुंदोंमोन। आधिखालाव अनुराग डभालआ मुनाभर फारुकीखौ धोरुमनि गोरुन्थि मुलाम्फा लानायनि दाय होदों। मुनाभर फारुकीआ बावैसो आदित्य नारायणनि कन्सर्ट दान्थे-बिदान्थेनि सायाव बिबुंथि

होदोंमोन। बिथाड रोजाबगिरि आदित्य नारायणनि बिफा उदित नारायणनि पापा कहते हैं मे थाइखौ सोंखारिदोंमोन। आधिखालाव अनुराग डभालआ बे मेथाइखौ बाहायनानै मुनाभर फारुकीखौ गाग्लोबदों। अनुराग डभालआ गावनि मावख'यारि एक्स एकाउन्टआव फारुकीनि मुं लायाजासेनो बुंदों, बिफाया बुडोमोन नाम खालामगोन, नाथाय फिसाज्जलाया धोरुम आरो मोननै टाइमिनि मुडव स्टेन्ड आप कमेडि आरु आइजोफोरखौ बदनम खालामगोन। फारुकीआ अनुराग डभालनि बे बिबुंथिनि सायाव दासिमबो जेबो फिनजाथाय होयाखेष नाथाय बिथांनि अन्सायगिरिफोरा इउके राइडरखौ सोंखारिदों। अनुराग डभालनि टुइरनि जोहै मुनाभर फारुकीनि अन्सायगिरिफोरा अनुराग डभालखौ गोख्रौडै टूल खालामदों। अनुराग डभालखौ सोंखारिनानै सासे बाहायगिरिआ लिरदों-गुबुनखौ दाय होनायनि सिगां गावनि सिडव नाय। गुबुन सासेबाव बादायगिरिआ नोंहा जेबो खामानि गया नामा होन्ना बुडो।

## हट नुनो मोन्दों, नाथाय टिभि फावखुंग्रि अंकिता लखन्डेनि थाखाय करिना कापुरआ आधिखालाव नेटिजेनफोरनि नोजोराव फे दों। गुबैयै अंकिता लखन्डेआ सिगाडाव गावनि सावगारिफोरखौ ससेल मिडियाआव बै ड्रेसआवोनो शेयार खालामदोंमोन जाय ड्रेसजों करिना कापुरखौ बे बाश्राखौ लानानै टूल खालामगासिनो दड। सासे बाहायगिरिआ बिबुंथि होनांनै लिरदों-बेयो सोमोनांथाव नाथाय अंकिता लखन्डेखौ बे नुथायाव साबसिन नुदों। गुबुन सासेबाव बाहायगिरिआ लिरदों-अंकिता लखन्डेखौ करिना कापुरजों रुजुनायाव जोबोद मोजांसिन नुदों। बेबादिनो गोबां सुबुंफोरा करिना कापुर आरो अंकिता लखन्डेनि रोखोमसे नुथायनि सोमोन्दे गाव-गावनि फिनजाथाय होगासिनो दड।

हट नुनो मोन्दों, नाथाय टिभि फावखुंग्रि अंकिता लखन्डेनि थाखाय करिना कापुरआ आधिखालाव नेटिजेनफोरनि नोजोराव फे दों। गुबैयै अंकिता लखन्डेआ सिगाडाव गावनि सावगारिफोरखौ ससेल मिडियाआव बै ड्रेसआवोनो शेयार खालामदोंमोन जाय ड्रेसजों करिना कापुरखौ बे बाश्राखौ लानानै टूल खालामगासिनो दड। सासे बाहायगिरिआ बिबुंथि होनांनै लिरदों-बेयो सोमोनांथाव नाथाय अंकिता लखन्डेखौ बे नुथायाव साबसिन नुदों। गुबुन सासेबाव बाहायगिरिआ लिरदों-अंकिता लखन्डेखौ करिना कापुरजों रुजुनायाव जोबोद मोजांसिन नुदों। बेबादिनो गोबां सुबुंफोरा करिना कापुर आरो अंकिता लखन्डेनि रोखोमसे नुथायनि सोमोन्दे गाव-गावनि फिनजाथाय होगासिनो दड।

# जम्मू-काश्मीर आव लकसभाजों लोगोसे बिधान सभा बिसायख'थियाबो खुंजानो हासिगौ

गोदान दिल्ली, 22 फेब्रुवारी : जम्मू-काश्मीर आव बिसायख'थि आयगआ बिसायख'थि खुंनयनि लोब्बायै थासाखि नयगिदिहैंदों। बिसायख'थि आयगआ गोजोनगलायोब्ला लकसभा बिसायख'थिजों लोगोसे बैयाव बिधान सभा बिसायख'थि खुंनोबो थांखि फोसावनो हागौ। आयगआ सोलिफु फेब्रुवारी दाननि जोबथासिम एबा मार्च दाननि गिबि सप्ताहसिमाव राइज्योनि बिसायख'थिखौ लानानै थियारि खलामनायफोरखौ नयसंनयनि हावाफारि लादों। बेनि सिगां राइज्योनि आला बिबानगिरिफोरखौबो बेनि



थियारिफोरजों लोब्बा गोनां खौरां मिबथिहोनो बुंनय जादोंमोन। जम्मू-काश्मीर आव बिधानसभा बिसायख'थिखौ लानानै गोबाव समनिफ्रायनो नेनानै थाबाय थानाय समाव बिसायख'थि आयगआ बेयावनि थियारि आरो थासारिनि सायाव सांप्राडै नयबिजिरहैंदों। राइज्योनि बिधानसभा बियाब

एबा मासिफोरखौ लानानै सोलिबाय थानाय नयसंनय आरो भटार फारिलाड नयसंनया आबुं जानानै थांबाय। सुलुनि बायदिब्ला, लकसभाजों लोगोसेनो राइज्योनि बिधान सभा बिसायख'थिजों लोब्बा थानाय थियारिफोरखौबो नयबिजिरनो थाखाय थाबैनो बिसायख'थि आयगनि हान्जाया

जम्मू-काश्मीर आव दावबायहैगोन। बे हान्जाया फेब्रुवारी दाननि जोबथायाव एबा मार्चनि गिबि सप्ताहयाव बै हाजोयारि राइज्योसिम दावबायनो हागौ। अदेबानि बेनि सिगां आयगआ बिसायख'थिनि थियारिजों लोब्बा थानाय राइज्योनि आला बिबानगिरिफोरनिफ्राय गासैबो खौरांखौ बिहरदोंमोन। लकसभा बिसायख'थिजों लोगोसे हादतनि दरब्रै राइज्योफोराव बिधान सभा बिसायख'थिखौबो खुंनयनि थियारि खलामनाय जादों। उरिष्या, अन्ध प्रदेश, अरुनाचल प्रदेश आरो सिक्किम आव लकसभा बिसायख'थिजों

लोगोसे बिधान सभा बिसायख'थिखौबो खुंनय जागोन। बिसायख'थि आयगनिफ्राय आथिखालाव जाय इसाराखौ मोन्नो हादों, बेखौ नोजोर होयोब्ला फैगो 10-12 मार्चनि गेजेरावनो लकसभा बिसायख'थिखौ खुंनो थाखाय अक्ट फोसावनो हागौ। मानोना आयगआ बिसायख'थिनि थाखाय गोखों थियारि खालामदों। बिसायख'थि खुंनो गोनां राइज्योफोरावबो आयगनि हान्जाया दावबायदों। फारसेथिं भटार फारिलाडिनि जोबथा फारिलाडिखौबो फोसावनानै होनाय जादों। मख'जाथावदि, 2019 आव बै दरब्रै राइज्योफोराव लकसभा बिसायख'थिजों लोगोसे बिधान सभा बिसायख'थिखौ 10 मार्च आव खुंनय जादोंमोन।

# ब्राह्मस मिसाइलनि जुनै भारत आरि दै सान्धि हान्जानि गोहोआ बांगोन

गोदान दिल्ली, 22 फेब्रुवारी: ब्राह्मस मिसाइलफोरा भारत आरि दै सान्धि हान्जानि गोहोखौ आरोबाव बांहोनो थांगसिनो दं। दै सान्धि हान्जाखौ मोनसे गिदिर थुलुंगा होनानै रैखाथिनि सायाव केबिनेट कमिटीआ दावहानि जाहाजफोराव थिसनो 200 नि बांसिन ब्राह्मस सुपारसनिक क्रुज मिसाइलफोरखौ आरिजिनो गनायथि होदों। गोजो थाखोनि सरकारि सुलुडा एएनआइनो फोरमायदोंदि, बुधबारनि मोनाबिलियाव जानाय जथुमायाव प्राय 19,000 कौटि रानि गोरोबथाखौ गनायथि होनाय जादों। ब्राह्मस एयर-स्पेस आरो रेखाथि मन्थि बिफाननि गेजेराव रादाय खानायखौ मार्चनि गिबि सप्ताहयाव सागान होनो थियारि खलामनाय जादों। ब्राह्मस मिसाइलफोरा भारत आरि दै



सान्धि हान्जानि दावहारु जाहाजफोरनि थाखाय एन्टि-शिप आरो स्ट्राइक अपारेसननि गाहाड हाथियार। ब्राह्मस एर-स्पेसआ भारत आरो रासियानि गेजेराव मोनसे जाथय फालांगि आरो बेयो सुपारसनिक क्रुज मिसाइलफोर दिहुनो, जायखौ साबमेरिन, जाहाज, बिरखं एबा हा प्लेटफर्मनिफ्राय हगारनो हायो। ब्राह्मस मिसाइलखौ थाबैनो पिपिलिन्स आवबो दैथाइहरनाय जागोन, जाय बेनि गिबिसिन मुलुगनां बायगिरि। मिथिहोनाय जायोदि, गोबां

हादतफोरनो ब्राह्मस मिसाइलनि सायाव गोसो जानायखौ दिन्थिदों। अतुल राणेनि दै देननायाव ब्राह्मस एयरस्पेसआबो गाहाड मन्थि नेन्ड्र मदिजों थि खलामजा 5 ट्रिलियन डलारनि दैथाइहरनाय थांखिखौ मोनफुनो थाखाय खामानि मावगासिनो दं। ब्राह्मसनि मासिगिरिया बुंदोंदि, फिलिपिन्सजों 375 मिबियन डलारनि गिबि दैथाइहरनाय गोरोबथानि उनाव बिथानि हान्जाया 2025 माइथायसिमाव 5 बिलियन डलारनि थांखि लादों।

# आबादारिफोरनि गोख्रों धर्ना सोलिनाय समावबो गाहाड मन्थि मदिआ गिदिर बिथांखि फोसावदों

गोदान दिल्ली, 22 फेब्रुवारी : पान्जाब आरो हरियाणानि आबादारिफोरा एमएसपीआव आइन बानायनांगोननि दाबिजों गोख्रों सोमावसारगसिनो दड। बेनि गेजेरावनो सरकार थानाय सानफोराव आबादारिफोरनो रेहाय होनानै खुसेर बायनायखौ बांहोनायनि जारिमिन थांखि लादों। बेनि सायावनो गाहाड मन्थि मदिनि फिनाया सोराडव फेदों। बिथाड टुड्ट खलामनानै बुडोदि, जौनि सरकारा हादतनाडैनि आबादारिफोरनि जौगाखानायजों लोब्बा गोनां मोनफ्रोमबो थांखिखौ मावफुनायनि थाखाय बिबान दड। बेनि गेजेरजों खुसेर बायनाय बेसेनाव जारिमिनारि बांहोनायखौ गनायथि होबाय। बे थांखिजों जौनि कौटि-कौटि खुसेर आबादारिफोरा मुलाम्फा मोनगोन। मख'जाथावदि,



मिरुआरि केबिनेटआ बुधवारव माखासे गोनांथार थांखि लादों, जेराव बयनिखुइबो देरिसिन थांखिया खुसेर बायनायनि बेसेनाव 8 जौखोन्दो बांहोनायखौ गनायथि होनायानोमोन। मदि सरकारा खुसेर बायनायनि बेसेनखौ मोनफ्रोम कुइन्टलआव 315 रानिफ्राय बांहोनाय 340 रं

खलामनानै होयो। बे थांखिजों खुसेरनि बेसेनाव मोनफ्रोम कुइन्टलआव 25 रं बांसिन जायो। बेनि सायाव मिरुआरि मन्थि अनुरग ठाकुरआ बुडोदि, मदि सरकारा जेब्लायबो आबादारिफोरनि थाखाय खामानि मावो आरो उनावबो मावलांगोन। गाहाड मन्थि मदिनि आफाद सामलायनायाव

मिरुआरि मन्थि आफादआ गामियारिफोरखौ मुलाम्फा मोनहोनायनि थाखाय उफ्रा हावाफारिफोरखौ थिसनफानानै माहारियारि जुनात फिसनाय मिशन आव आरोबाव सोदांनय लाबोनो बिथांखि लानायखौ गनायथि होयो। यजनायाव गोदान हावाफारिफोराव उद्यगफोरखौ गायसनायाबो दंफायो। मिरु सरकारआ गराय, गाध आरो उटनि थाखाय भिर्घ स्टेशन आरो न्युक्लियास बार्ट फार्म गाइसन्नायनि थाखाय 10 कौटि रं हरगोन।

# त्रिशक्ति करनि जवानफोरा गेंटक आव 500 दावबायारिफोरखौ रैखा रवालामदों

गेंटक, 22 फेब्रुवारी : भारतयारि सान्थिनि त्रिशक्ति करनि जवानफोरा सान्जा सिक्किमनि गेंटक आव बयनिबो गोसो देरहासारनो हानाय हाबा मावनानै दिन्थिदों। सान्जा सिक्किमनि नाटुलायाव थानाय सान आव हरखाबै रोजा बरफ गोर्लैनाय आरो बोथोर गाजनि जाहोनाव सा 500 दावबायारिफोरा राहा गोथेना थानांदोंमोन। सान्थिनि जवानफोरा बे खै फोदखौ सौसिनानै दावबायारिफोरनि राफोदाय महरै हावाफारि मावना बिसोरनि जिउ रैखा खलामो। भारतयारि सान्थिनि मिबथिहोनाय बायदिब्ला, 21 फेब्रुवारीखालि हरखाबै गोबां बरफ गोर्लैनायनि जाहोनाव नाटुलायाव सा 500 नि बांसिन दावबायारिफोरजों लोगोसे गं 175 गारिफोरा लामा गोथेना थानांदोंमोन। सान्थिया बुंदोंदि, 0 निफ्रायबो खमसिन बिदुडव



त्रिशक्ति करनि सान्थिफोरा राहा गोथेना थानाय दावबायारिखौ रैखा खलामनो आरो बिसोरखौ मदत होनो थाखाय बैसिम सौहैंदों। जवानफोरा दावबायारिफोरखौ रैखाथियै बैनिफ्राय ऑंखारबोनायाव मदत खलामनो थाखाय थि समावनो फाहामथाइनि सुबिधा, दै गुदुं जाग्रा आदार आरो रैखाथि गोनां गारिफोरखौ जगायना होयो। सिगां फारसे सान्थिया बुंदोंदि,

जोबोद सुहाबनाय बिदुडव सौसिनानै त्रिशक्ति करनि भारतयारि सान्थिफोरा सिक्किम आव हादतनि सिमनाखौ रैखाथि होनायजों लोगोसे नोगोरि खुंथाइ आरो सुबुंफोरखौ मदत होनो थाखाय जेब्लायबो थियारि जानानै थायो। मख'जाथावदि, बेनि सिगां 20 फेब्रुवारीखालि जम्मू-काश्मीरनि आनान्तनाग आव सिआरपिफ जवानफोरा गोबां बरफ

गोर्लैनायनि जाहोनाव थाबथाना थानाय गारिफोरखौ मदत खलामदोंमोन। बै समाव आनान्तनाग आव गोबां रोजा अखा हानायजों लोगोसे गोबां बरफबो गोर्लैदोंमोन, जायनि जाहोनाव श्रीनगर-जम्मू माहारियारि राजालामाजों लोगोसे गोबां लामाफोरा हा गिसिखानायनि जाहोनाव खै फोद गोनां एबा खारलांथावजायै जादोंमोन।

# 2024 कावासाकी निन्जा 500 आ भारतीय बाजाराव लन्च जाबाय



गोदान दिल्ली, 22 फेब्रुवारी : इन्डिया कावासाकी मटर्सआ नख'यरि बाजाराव 2024 निन्जा 500खौ लन्च खलामबाय। जाय मुलुगनां थाखोयाव फानजागासिनो थानाय निन्जा 400 नि रिप्लेसमेन्ट। मख'जाथावदि, 2024 कावासाकी निन्जा 500 आ आबुडै सिबिडइनि महराव भारत आव दिहुनजादों आरो बेनि जागायजेन्नाय बेसेना 5.24 लाख रं। निन्जा 500 खौ मेटालिक स्पार्क ब्लेक सेद आव मोन्नो हागोन। गोदान कावासाकी निन्जा 500 आ

मोनसे ट्रेलिस प्रेमनि सायाव बिथा खलामजानाय आरो बेयो 451 सिंसि, पेरालाल-डुइन, लिक्विड-कुल्ड इन्जिननिफ्राय पावार मोनो। 399 सिंसि निन्जा 400 आव नुनो मोन्नाय 51.8 एमएम स्ट्रकनि रुजुनायाव गोदान निन्जा 500 आव बेनिफ्राय देरिसिन 58.6 एमएम स्ट्रक मोन्नो हायो। गिदिर स्ट्रक मटरआ 6,000 आरपिएम आव 42.6 एमएमनि सायाव बांसिन टार्क सोमजिखांहोनो हायो। निन्जा 500 नि फ्रन्ट आव टेलिस्कोपिक फर्क्स आरो रियार आव मोनसे

मनसक मोन्नो हायो। फारसेथिं ब्रेकिं पारफर्मेन्स 310 एमएम फ्रन्ट डिस्क आरो डुयेल चेनेल एबिएसजों लोगोसे 220 एमएम रियार डिस्कनिफ्राय बेखौ मोनो। बाइक आव स्मार्ट फन कानेक्टिभिटीजों लोगोसे एलसिडि डिजिटल इन्स्ट्रुमेन्ट कन्सल मोनो। गुबुन जर'खाफोरनि बाश्रा बुडोब्ला कावासाकीयाव इन्टिलिजेन्ट प्रक्सिमिटी एक्टिभेशन स्टार्ट सिस्टेम आरो टाइपिसि सार्जि पर्ट'बो दंफायो। 2024 कावासाकी निन्जा 500 खौ 5.24 लाख राडाव एक्स-सरु मनि बेसेनजों बायनो हागोन। कावासाकी निन्जा 500 आ बे चैक मेन्ट आव एप्रिलिया आरएस457, यामाहा वाइजेटएफ-आर3 आरो केटिएम आरसि 390 बायदि बाइक फोरजोंबो गोखोडै रुजुजायो।

# बेनेजुएलायाव आइन बेरेखा कादान जाब्रबथाइयाव सा 14 जिउ ख'हा



बेनेजुएला, 22 फेब्रुवारी : आइन बेरेखायै सोलिबाय थानाय सनानि खादान दोबैनानै बेनेजुएलायाव सा 14 सुबुंफोरनि जिउ गोमादों। बे जाब्रबथायाव माखासे गोबां सुबुंफोरा जोखोम जादों होन्नाबो खौराडाव मिबथिनाय जादों। मावख'थारि फिन्नाय फोसावनाय बायदिब्ला, कादान सिडाव बेसेबां सुबुंफोर दंमोन आरो बेसेबांआ दासिमबो गोदोनानै दड बेनि बागै रोखा मिबथिहोनो हानाय गोब्राब। अदेबानि खौरां रेबजासिमाव मिबथिनो हानाय बायदिब्ला जाथायनि सायाव फोसावनाय मावख'थारि फिन्नायाव सा 14 गोथै सह'फोरखौ कादाननिफ्राय दिहुन्नो हानाय जादों। बेनि अनगार्थै सा 11 जोखोम जानायफोरखौ फाहामथाइ होनो दैथाइहरनाय जायो। बबेखानि जाब्रबथाइ जानायनि लोगो लोगो रैखाथि हावाफारिखौ

जागायनाय जादोंमोन। बे जाब्रबथाइया बेनेजुएलानि बुलालका मुनि आइन बेरेखा कादान आव फारसेथिनि वालआ बायना होसिनानयनि जाहोनाव सोमजिदों। बे कादानआ

ओरैबायदि गोथै जायगायाव दड, जेराव गोबाव घन्टा नावजों थानानैसो बेसिम सौहैनो हानाय जायो। अंगस्तुगनि मेयर यगी अर्सिनेगाया बुधबार मोनायाव जाब्रबथाइनि बागै मिबथिहोना

बेयाव थैनायफोरनि अन्जिमाया बांनो हागौ होना फोरमायदों। मख'नो गोनांदि, बेनेजुएलानि सरकार 2016 आव गावनि थाव उद्यगजों लोगोसे गोदान टेक्स सरजाबनायनि थाखाय हादतनि गेजेर बाहागोसिम गोसारनाय मोनसे गिदिर खनि जौगाखां ओन्सोलखौ गाइसन्दों। बेनिफ्रायनो बे ओन्सोलनि सिडव आरो बायजो आव सना, हिरा, तामा आरो गुबुन खनिफोरनि हावाफारिया गोखोडै सोलिबोदों। माखासे कादानफोरा आइन बेरेखायै सामलायजानानै दड। बेफोराव बेनेजुएलानि सुबुंफोरा खामानि मावनानै जिउ खुंनो हादों। नाथाय बिसोरनि जिउआ खै फोद आवबो गोर्लैदों।

# देरवोगिरि सना महापात्राया राहुल गान्धीखौ सौरवारिदों

कंग्रेसनि दैदेनगिरि राहुल गान्धीनि सायाव बलिउडनि बयजोंबो अन्साइजनाय देंखोगिरि सना महापात्राया गोखों रावजों थांखिजों। सशेल मिडिया प्लेटफर्म आव मोनसे पस्ट लिस्नानै सनाया राहुल गान्धीखौ थांखिदों। थानाय 22 जानुवारीखालि अयध्या आव

जानाय राम मन्दिरनि प्राण प्रतिष्ठा हावाफारिखौ लानानै राहुल गान्धीया गाहाड मन्थि नेन्ड्र मदिनि सायाव बाश्राजों गाग्लोबदोंमोन। बेयाव बिथाड गाहाड मन्थिजों लोगोसे बलिउडनि फावखुंग्रि एश्वर्या रायखौबो रायखां दोंमोन। राहुलआ माखासे खाबुफोराव राय बचनखौ रायखांदों। बेखौ

लानानै देंखोगिरि सना महापात्राया एश्वर्याखौ रैखाथि होनानै राहुल गान्धीनो बोसोनबो होदों। देंखोगिरिया सशेल मिडिया प्लेटफर्म आव एश्वर्या राय बचनखौ हेफाजाब होनानै पस्ट लिस्नानै। बियो बुंदोंदि, माखासे राजखान्थि दैदेनगिरिआ राजखान्थियाव मुलाम्फा मोन्नायनि थाखाय गावगावनि



बिबुंथिफोराव आइजोफोरखौ अपमान खलामो। राहुल गान्धी, नोंथानि बिमा आरो बिब'खौबो सोरबाया बेबायदिनो अपमान खलामदों जानांगो। नोंथाड बेखौ जोबोद मोजाडै बुजिगो। अदेबानि एश्वर्या राय बचनआ जोबोद मोजां मोसानो रोंगो होन्नाबो सनाया बुंदों। मख'नो गोनांदि, राहुल गान्धीया

मोनसे बिबुंथियाव टेलिभिजन चेनेलआ एश्वर्या रायनि मोसानायखौल'दिन्थियो। बेयो निखावरि सुबुंफोरनि बागै जेबो दिन्थिया होन्ना बुंदोंमोन। फारसेथिं कंग्रेसनि दैदेनगिरि राहुल गान्धीया भारत जडु न्याय यात्रानि समाव बुंदोंमोनदि, नोंथाडा राम मन्दिर प्राण प्रतिष्ठाखौ नुबाय नामा ?

नोंथाडा सोरबा अबिसि एबा एसटि/एससिनि महरखौ नुबाय नामा ? बेयाव अमिताभ बचन, एश्वर्या राय बचन आरो गाहाड मन्थि नेन्ड्र मदिआ बाहागो लादोंमोन। नाथाय जौ बै सुबुंफोरखौ नुवाखै, जाय थौसो हादतखौ सामलायो। राहुलनि बे बिबुंथिनि सायावनो देंखोगिरि सना महापात्राया गोखों फिन्नाय होदों।

## साइकिल सेम्पियनसिपआव भारतीय आइजोफोरा सनानि मेडेल देरहादों

**गोदान दिल्ली, 22 फेब्रुवारी:** भारतीय आइजो साइकेल सालायगिरिफोरा भारतखौ एसियान सेम्पियनसिपआव सनानि मेडेल देरहानायजों आवगायजेन्दों। आइजि स्टेटियाम वेल्डमआव जुनियर केटेगरीआव सरिता कुमारि, निया सेबेस्टियान, जैना महम्मद आली पीरखान आरो सबिनाआ स्प्रीन्ट बादायलायनायाव गोखों बादायारि करियाखौ फेजेन्नाने सेम्पियनसिपआव हादरनि गिबिसिन सनानि मेडेल देरहाजेन्दों। भारतआ बे सेम्पियनसिपनि गिबि सानआव बिसेरनि सनानि मेडेल गंसेखौ लाफानानै गंनै रुफा आरो गंसे



ब्रन्ज मेडेल देरहादों। भारतआ पेरा टीम स्प्रीन्ट बादायलायनायाव गंसे रुफा मेडेल देरहादों आरो हौवाफोरनि जुनियर टीम स्प्रीन्ट बादायलायनायाव नैथि रुफानि मेडेलखौ देरहानो हादों। हिन्जावसाफोरनि जुनियर टीमआ पसुइट बादायलायनायाव ब्रन्ज

मेडेलजोंनो गोजोनानदों। स्प्रीन्ट टीमनि कच रहलनि बादिब्ला, गावनिफ्राय थामथि आरो जोबथा बादायलायनायाव सबिनाथि जायगायाव जैनाखौ ओंखारहोनायनि मोजां फिथाइखौ मोनो हादों। जैनाआ मोजाडे दिन्थिफुनाय करियानि सालायगिरिफोरनि फ्राय

साबसिनआव थाहेंदों। रहलआ फोरमायनाय बादिब्ला, बिथाडा सिगांनि खेबनै रेसआव सरिता, निया आरो सबिनाखौ गेलेहोदों मोन। थामथि बादायलायनायाव करियानि गोरोन्थियै दिन्थिफुनाया भारतीय हान्जानि मुलाम्फा लाबोदों। केरेलानि थागिबि नियाआ एसियानि गोखोंसिन हान्जाखौ फेजेन्नानयनि सिमांखौ मोनफुनो हानायखौ गोजोन्नाय फोरमायदों। पेरिस अलिम्पिकआव सिनियर आरो जुनियर थाखौफोरनि थाखाय क्वालिफाई जानाय बे सेम्पियनसिपआव दर 18 हादरफोरा बाहागो लागसिनो दड। पेरा टीम स्प्रीन्टआव अशद शोख, जलालउद्दिन अन्सारि, बसवरजनि हान्जाया फाइनलालाव मालएसियाजों जेन्नादों। जुनियर केटेगरीनि हौवाफोरनि हान्जाया करियानि हान्जानिफ्राय साबसिन दिन्थिफुनायाव फेलें जाहेंदों।

## खेल' इन्डिया इउनिभासिटि गेम्सआव एश्वर्य रयआ गंनै सनानि मेडेल देरहादों

**गोदान दिल्ली, 22 फेब्रुवारी:** एसियान गेम्सआव सनानि मेडेल देरहानाय भारतीय शूटर एश्वर्य प्रताप सिं तमरआ खेल' इन्डिया इउनिभासिटि गेम्सआव गंनै सनानि मेडेल देरहादों। अमृत्सरनि गुरुनानक देब मुलुग सोल्लोंसालिनि बादायारि एश्वर्यआ 10 मिटर एयार राइफलनि बादायनायाव गिबिसिनै हासिडे सनानि मेडेल देरहादों। बेनि उनाव बिथाडा भिदित जैन आरो मनप्रीत सिंह बसराजों लोगोसे टीमआव सनानि मेडेल देरहानो हायो। जैन मुलुग सोल्लोंसालिनि बादायारिफोरा बे गेम्सआव गावसोरनि रेंगथिजों दबथायदों। मानोना बे मुलुग सोल्लोंसालिआ गं 7 सनानि मेडेलजों मेडेल देरहानाय फारिआव जोसिनआव दड। एश्वर्यआ 10 मिटर एयार राइफल बादायलायनायनि क्वालिफाई राउन्डआव नैथि थाखौआव जायगा



आवग्रिदोंमोन। नाथाय फाइनल बादायनायाव उमाम हेसखौ 2-1 स्करनि फारागआव फेजेन्नो थाखाय 252 स्कर लाखिनादोंमोन। गासै 1871.7 स्करजों जिएनडिइआवो बे बादायलायनायनि फारिआव हान्जानि सनानि मेडेल देरहादों। एश्वर्यआ देरहानायनि उनाव दावनि दिन्थिफुनो हानायखौ गोजोन्नाय फोरमायदों। बिथाडा ग्रेनेडा वर्ल्ड कापआव मोजाडे दिन्थिफुनो हायाखौ ब्लाबो सोलिफु गेम्सआव गावनि गोरोन्थिफोरखौ सुद्रायफिनो हादों। जैन मुलुग सोल्लोंसालिआ

आइजोफोरनि बास्केट बल इन्धेन्टि फाइनलालाव माद्रास मुलुग सोल्लोंसालिखौ 68-58 स्करजों फेजेन्नानै सनानि मेडेल देरहादों। सन्डिगड मुलुग सोल्लोंसालिआ गंनै सना, गं 6 रुफा आरो गं 8 ब्रन्जजों नैथि थावनिआव जायगा मोनो। वेट लिफिटआव साबिन्नि बाइ फुले मानीआ 76 कि:ग्रा: लिस्थायारि केटेगरीआव 177 कि:ग्रा: लिस्थायारि सनानि मेडेल देरहायो। बे मुलुग सोल्लोंसालिनिनो अबजित डिआलेआ 89 कि:ग्रा:

लिस्थायारि केटेगरीआव 302 कि:ग्रा: लिस्थायारि सनानि मेडेल देरहादों। बे फारिआव जिएम्डिइनि सुरिन्डर पालआ रुफानि मेडेल देरहादों। आइजोफोरनि काबाडु फाइनलालाव सन्डिगड मुलुग सोल्लोंसालिआ भारती बिद्यापीठखौ 34-32 स्करआव फेजेन्नानै सनानि मेडेल देरहादों। मख'नो गोनादि, जम्मु काश्मीरनि लेफ्टेनेन्ट गभर्णर मनज सिन्हाआ बुधबारखालि ब्रैथि खेल' इन्डिया गेम्सखौ बेखेवना होयो। बिथाडा बे गेम्सनि गेजेरजों माहारियायारि थाखौआव गेलेगिरिफोरनि आवगायनो खाबु मोनगोनखौ मिर्जिथि लादों। बे समाव बिथाडा गाहाइ मन्थि नरेन्द्र मदिनि दैदेन्नायाव जम्मु-काश्मीरआव गेलेमुनि फोथारआव मोनसे गोदान मुगा सोलिजेनबाय होन्नाने फोरमायदों।

## भारतीय फोलेरनि अश्वथ कौचिकआ जाेरिमिन सोरजिदों



**गोदान दिल्ली, 22 फेब्रुवारी:** भारतीय फोलेरनि अश्वथ कौचिकआ 8 बोसोर बैसोआवनो सासे ग्रेन्ड मास्टरनि सेलेन्जआव गावनि रेंगथिखौ फोरमानआव लाबोदों। सिंगापुरनि हौवासा गेलेगिरि कौचिकआ बर्गडफरि स्टेडायस अपेन चेस टुर्नामेन्टआव पलेण्डनि ग्रेन्ड मास्टर जेसेक स्टापाखौ फेजेन्नानै मुलुगनि नोजोरखौ गावनिथि लाबोनो हादों। अश्वथआ क्लासिकेल चेसआव ग्रेन्ड मास्टर स्टापाखौ फेजेन्नो हानाय बयनिखुइ उन्दैसिन गेलेगिरि जाबाय। स्टापानि बैसोआ आथिखालाव 37 बोसोर आरो अश्वथआ 8 बोसोरनि गेलेगिरि। थानाय

रेकर्डआ 1 सप्ताहसिमल' थादों। बे समाव साबियानि लियनिड इभानभिकआ बेलग्रेडअपेनआव 60 बोसोर बैसोनि बुल्यारियानि ग्रेन्ड मास्टर मिल्ल' पपशेपखौ फेजेन्नोमोन। इभानभिकआ नाथाय अश्वथनिफ्राय गोबां दान देरसिन गेलेगिरि। अश्वथनि आथिखालनि एफआइडिड रेंकिआव 37,338 आव सौहैनानै दड। बिथाडा सासे भारतीय नोगोरारि महरै 2017 आव हादरनिफ्राय सिंगापुरआव थादोंमोन। अश्वथआ देरहानायनि उनाव गावनि दिन्थिफुनायनि सायाव गोजोन्नाय फोरमायदों। मोनसे समाव बिथाडा गात्रि फर्मनि थासारिआव फेदोंब्लाबो गोब्राव

नाजानायजों मोजां लामायव फेफिनो हाबाय। सिंगापुर चेस फेडरेशननि सिइअ आरो ग्रेन्ड मास्टर केभिन गहआ अश्वथनि जाफु'सारनायनि सायाव गोजोन्नाय फोरमायदों। लोगोसे बिथाखौ सासे मिथिगायारि महरै रेंगथि गोनां गेलेगिरि फोरमायदों। सिगां फासै बिथाडा अश्वथनि जाफु'सारनायनिफ्राय गोबां गथ'फोरनि चेसआव थुलुगा फेगोनखौ मिर्जिथि लादों। अश्वथनि जाफु'सारनायनि फोरमायनानै रेंगथिजों जेब्लाबो आवगायनायाव मदद मोन्नायखौ फोरमायनानै केभिनआ लाइमोन गेलेगिरिनि चेसआव गावनि गोखों आगान लाखिनायखौ बाखनायो। अश्वथआ गिबि खेब 2022 आव खौरोफोरनि हेडलाइनआव जायगा मोनजेन्दोंमोन। बे समाव बिथाडा 8 बोसोरनि सिडाव क्लासिक, रेफिड आरो ब्लिटसनि गासै मोनथाम फर्मटआव इस्ट एसिया इयुथ सेम्पियन जादोंमोन।

## यशस्वी जयसवालआ मोनथाम गिदिर थांखिआव दड

**गोदान दिल्ली, 22 फेब्रुवारी:** भारत आरो इलेण्डनि गेजेराव गेलेनाय सोलिफु टेस्ट सिरिजआ ब्रैथि बादायनायसिम सौहैबाय। मोननैबो हान्जाया आथिखालाव रान्सिआव दड। जेराव बे बादायनाया फेगौ 23 फेब्रुवारीनिफ्राय जागायगोन। बेनि थाखाय फारनैबो हान्जानि गेलेगिरिफोर थियारि जागासिनो दड। बेजों लोगोसेनो गेलेगिरिफोरनि दिन्थिफुनाया जर'ख। गिरिफोरजों सावरायजानोबो हमदों। भारत आरो इलेण्डनि हान्जाफोरा रान्सिनि फीसनि सायाव गावसोरनि नायबिजिनारयखौ जागायगासिनो दड। बे समाव बयनिबो नोजोरआ बांसिनै भारतीय हान्जानि अपेनार यशस्वी जयसवालनि सायाव गोग्लैगोन। मानोना बिथाडा



सिगांनि मेचफोराव गावनि दिन्थिफुनायजों बयनिबो गोसोखौ देरहानो हादों। रान्सिआव बिथाडा फोथारआव ओंखारनाय लोगो लोगोनो आरोबाव गावनि मुखव रेकर्ड थिसन्तो नाजागोन। जयसवालआ मुलुगनि माखासे गेलेगिरिफोरनि गेजेराव सासे

एरैबादि गेलेगिरि जानो हाबाय। जाय खेबनै बेक टु बेक मेचफोराव डबल सेन्सुरि रान लादों। बिथानि अनगायै गुबुन बेटसमेनफोराबो मोजाडे दिन्थिफुनदों। नाथाय बेबादि समाव जयसवालनि सायाव थामथि खेब डबल सेन्सुरि लानो हाबावगौनि सायाव मोनसे

सोंथि सिखांना दड। बिशाकापलमआव गेलेनाय सिरिजनि नैथि मेचआव जयसवालआ मेचनि गिबि इनिंसआव 209 रान आरो राजकटआव गेलेनाय मेचनि नैथि इनिंसआव आउट जायालासे 214 रान लादोंमोन। बेनि सिगां बिनद कम्बली आरो भिरट कहलीआ भारतनि जानानै बेबादि रान लाखांबाय। नाथाय मुलुगआव दासिमबो रावबो गेलेगिरिफोरा टेस्टआव फारिये खेबथाम डबल सेन्सुरि लानो हायाखै। नाथाय जयसवालआ बे खेबआव फिन डबल सेन्सुरि लानो हायोब्ला बियो बेबादि लानो हानाय गिबिसिन मुलुगनि गेलेगिरि जागोन। नाथाय खेबसे सिरिजआव खेबथाम सेन्सुरि

लानाया दिनेनिफ्राय गोबां बोसोर सिगां थिसनजाखांबाय। 1930 आव सार डन ब्रेडमैनआ बेबादि रान लाखांबाय। बेबादि थासारिआव जयसवालआ बे खेबआव डबल सेन्सुरि लायोब्ला ब्रेडमैननि उनाव नैथि नम्बरआव जायगा मोनगोन। जयसवालआ गावनि टेस्ट केरियारनि समाव खेब 7 मेच गेलेनायाव 861 रान लादों। थामहिनबा 1000 रान खालामनो बिथानो 139 ल' रान नांसिगौ। बेबादि थासारिआव रान्सि टेस्टआव बिथाडा 1000 रान खालामनो हानाय गोखेंसिन बेटसमेनबो जानो हागौ। बेनि अनगायैबो बिथाडा भारतनि थाखाय टेस्टआव गोखेंसिन 1000 रान आरो मुलुगनि नैथि बेटसमेनबो जागोन।

## ब्रैथि टेस्ट मेचनि प्लेइं इलेभेननि फारिलाइखौ फोसावबाय

**गोदान दिल्ली, 22 फेब्रुवारी:** भारत आरो इलेण्डनि गेजेराव बादायनाय खेब 5 मेचनि सिरिजआव भारतीय हान्जाया आथिखालाव 2-1 स्करजों आवगायगासिनो दड। इलेण्डनि हान्जाया गिबि मेचखौ देरहानानै आवगायजेन्दोंब्लाबो बेनि उनाव लान्थियै खेबनै मेचआव जेन्नानानै उन जादों। दायो रान्सिआव जानो गोबां ब्रैथि मेचआ मोननैबो टीमनि थाखाय जर'खा जागोन। इलेण्डआ बे मेचआव आवगायफिनानै भारतजों समान स्करआव सौहैनो नाजागोन। बेबादि थासारिआव इलेण्डआ सानसे सिगांनो बे मेचनि थाखाय गावसोरनि प्लेइं इलेभेनखौ फोसावदों। जायनि फारिआव हान्जायाव मोननै सोलायनाय लाबोदों। इलेण्डआ गावसोरनिफ्राय रान्सि टेस्ट मेचनि थाखाय टीमआव मोननै सोलायनाय लाबोनायखौ फोरमायनानै अलि रबिनसननि हान्जायाव फैनयखौ फोरमायो आरो शएब बसेरनि हान्जानि फारिआव फेफिन्यायखौ फोरमायदों। बसेरआ बेनि सिगां मेचआव बाहागो जाखांबाय। नाथाय रबिनसनआ गिबि खेबनि थाखाय सिरिजआव गेलेनो खाबु मोनगोन। रबिनसन फैनयनि



जाउनाव मार्क उडखौ हान्जानिफ्राय बाइजोआव लाखिनाय जाबाय। बेराफासै रेहान आहमेदिनि जायगायाव शएबखौ खाबु होदों। थामहिनबा इलेण्डनि हान्जाया फिन खेबसेबाव सानै फास्ट

बलारफोरजों फिल्डिआव ओंखारगोन। नाथाय रुथआ दासिमावबो मोजां फर्मआव गेया। जाउनाव बिथानि बेरिआ हान्जानि जिगांनि जाहोन जानो हागौ। जनी बेयस्टनि उनाव केप्टेन स्टक्सआ बिबानआव आवगायनायाव गोबां बिहोमा

जगायदों। नाथाय गुबुन बेटसमेनफोरा मोजां इनिंस गेलेनो हायाखै। अलि पपआ भारतनि हेथायै खेबनै सेन्सुरि रान हायाखैब्लाबो बिथानो फिन थामथि नम्बरआव गेलेनाय नुनो मोनगोन। बेजों लोगोसे बारा' केप्टेन जो रुथआ ब्रैथि नम्बरआव गावनि बिबानखौ सामलायनो ओंखारगोन। नाथाय रुथआ दासिमावबो मोजां फर्मआव गेया। जाउनाव बिथानि बेरिआ हान्जानि जिगांनि जाहोन जानो हागौ। जनी बेयस्टनि उनाव केप्टेन स्टक्सआ बिबानआव आवगायनायाव गोबां बिहोमा

**डुबाइ, 22 फेब्रुवारी:** कक गफआ लासैयै दिन्थिफुनायजों जागायजेन्दोंब्ला आरो नैथि सेटआव सियार आमफायरजों नांज्जलायनायनि उनावबो खेबथाम सेटनि मेचआव केरलिना प्लिस्कभाखौ फेजेन्नानै डुबाइ टेनिस सेम्पियनसिपनि क्वार्टर फाइनलालाव सौहैबाय। थामथि मासि मोन्नाय गफआ 2-6, 6-4, 6-3 स्करआव देरहानानै प्लिस्कभानि लान्थियै खेब 11 मेच देरहानाय अभियानखौ होबथानो हादों। आमेरिकानि गेलेगिरि गफआ बे खेबआव रासियानि आन्ना कालिंस्कायाजों मोगा-मोगि



जागोन। बेनि सिगां आन्नाआ 9 थि मासि मोन्नाय जेलेना अस्ताफेन्कखौ 6-4, 7-5 स्करकआव फेजेन्दों। मुलुगनि सेथि मासिआव जायगा मोन्नाय इगा स्विघातेकआ खेबनै सेम्पियन जाखांनाय एलिना स्विगलिनाखौ 6-1, 6-4

स्करआव फेजेन्नानै जोबथा 8 आव सौहैबाय। ब्रैथि मासि मोन्नाय एलिना रिवाकिनाआ क्वार्टर फाइनलालाव सौहैनो थाखाय गोब्राव सेलेन्जनि वेन्दोंखौ बारनदों। बिथानोआ गोब्राव नाजानायजों मेग्डालेना प्रेसखौ 7-6(5) 3-6, 6-4

स्करआव फेजेन्नानै जोबथा 8 आव सौहैबाय। ब्रैथि मासि मोन्नाय एलिना रिवाकिनाआ क्वार्टर फाइनलालाव सौहैनो थाखाय गोब्राव सेलेन्जनि वेन्दोंखौ बारनदों। बिथानोआ गोब्राव नाजानायजों मेग्डालेना प्रेसखौ 7-6(5) 3-6, 6-4

## प्रिमियर लीगआव सिटिआ हालेननि गलजों देरहादों

**माद्रिद, 22 फेब्रुवारी:** मोनसे समाव एरैबादि थासारि फेबायमोन, जेराव मन्वेस्टार सिटिआ फारियै नैथि डू मेच गेलेगोन बादि मोन्दांथि दडमोन। नाथाय हान्जानि गोखों गेलेगिरि एलि हालेननि 71 थि मिनिटआव गल सोनायजों सिटिनि हान्जाया ब्रेन्डफर्डनि हेथायै 1-0 गल स्करआव देरहानो हादों। बे देरहानायजोंनो सिटिनि हान्जाया इलिस प्रिमियर लीगआव नैथि थावनिआव सौहैबाय। गोजौसिन मासिआव

लिभारपुलआ 57 पइन्टजों जायगा मोन्नायनि उनाव 56 पइन्टजों सिटिआ नैथि मासिआव दड। बे फारिआव आसेनेलआ सिटिनिफ्राय 1 पइन्ट खमजों थामथि मासिआव जायगा मोनो। बेफोर मोनथाम हान्जाफोरा गासै खेब 38 मेचफोरनि गेजेराव 25-25 मेच गेलेखांबाय। सिटिआ सिगांनि मेचआव सेल्लिसनि हेथायै 1-1 गल स्करआव डू गेलेदोंमोन। बे मेचआव कच पेप गार्डियलानि सानथांखिफोरा



जाफु'साराखै मोन। गिबि हाफआव गल सोलायनो

हायाखैब्लाबो सिटिनि हान्जाया नैथि हाफआवबो बलखौ गावसोरनि आवथायाव नांगोबादि लाखिनो हायाखैमोन। नाथाय उननि समाव थानाय सिजनआव बयनिखुइबो बांसिन गल सोनाय आरो मन्वेस्टार सिटिनि लीग विमु देरहानायव बिहोमा होनाय हालेननि मददजों सिटिनि हान्जाया 71 मिनिटआव गल सोनानै आवगायनो हायो। बेबादि थासारिआव हालेनआ हान्जानि थाखाय जैना सुख्रां

गेलेगिरिनि फोरमानआव फेदों। जुलियान अल्भारेजआ बे गल सोनायाव हालेनजों मददआव फेदों। हालेनआ थानाय सिजनआव प्रिमियर लीगआव मोन 21 हान्जाफोरनि बेरेखायै गेलेदोंमोन। नाथाय ब्रेन्डफर्डनि हेथायै सिटिनि हान्जाया गल सोनो हायाखैमोन। डच सिटिनि आरो नरवेनि लोगो अस्कार बबआ हालेननि दिन्थिफुनायखौ बाखनायदों। बे देरहानायजोंनो सिटिनि हान्जाया थानाय बोसोरनि 6 डिसेम्बरनिफ्राय

गासैबो बादायलायनायाव जेनालासे गावसोरनि मेचखौ खेब 16 सिम लाबोयो। बे समाव बिथाडा खेब 14 मेच देरहानायव बिहोमा होदों आरो आद्रा खेबनै मेचआ डूआव थुगेदोंमोन। सिटिनि हान्जाया एफए कापनि जोबथा 16 आव सौहैबाय। सेम्पियन्स लीगआवबो क्वार्टर फाइनलालाव सौहैनानि आसा दड। बिथाडा जोबथा 16 नि गिबि लेगआव कपेनहेगाणखौ 3-1 गल स्करआव फेजेन्नानैमोन।